

集部

欽定四庫全書

金文晴集卷八

詳校官編修臣裴 書臣劉源溥覆勘 讌

校對官中書日楊世綸 總校官進士臣朱

腾録監生臣席慶年

钦定四草全 的复数形式 医多种 网络黄色 民人の語は別の名前 明 金文靖兵 是奮與布列中外所 一嗣承 金细致 撰 911

明之運其昌克若是我是科得進士林震等百人 請試期記更是月望日先是連日陰雨及廷試審景澄 明士皆數院各罄其所欲言翔日復雨傳爐之旦復霽 三月朔旦天子臨軒親策之時車駕謁祭先陵禮部奏 益重而不敢忽馬乃宣徳五年適當論造之期故事以 南北取士之規故科目之愈嚴而士之所以自 意慮選拔或濫也申賓與解額之制思用人適均也 白なり 錫宴上表始事而而復作於乎非上天敷佑以 Ŀ とこて 期待者 相

尚書臣淡循舊制請刻石題名以此永久上以命臣 榜題名以榮之固将望其有益於天下國家也欽惟 孜撰文以紀之惟天之生才也不偶故上之取才也亦 不易學校以教之賔興以造之臨軒親策以試之復揭 見羣臣稱賀後琦卒以相業為宋名臣今百人中豈無 **徵告宋天聖中策士臚傅至韓琦太史奏日下五色雲** こうこ 天心者佑於取士之際不示顯体為干萬載文明之 聖神文武祇承祖 1.1. Ī 宗敬事上天政政求賢以圖治 金文请集

多定四雄全書 琦輩其人足以當其兆者諸士子尚勉馬飭躬勵行 典展幾億美前人有光國家焊後之見之者知今日之 文正公仲淹請於朝始建先聖廟學於吳盖割錢氏南 蘇為東南都會學校人才實為諸郡先皆宋景定問 事業以副皇上求賢之盛意以不愧科目取士 **分徒然也謹記** 重修蘇州府廟學記 也在英三百餘裡若歷兵發優與優

家富室之有力者偶出金穀而協 馬壽錢紳韓赐各捐已俸以為之 李立按臨吳中孟浩以其事白之乃力賛其成為裒大 秋臨 橋亭槛陷祀垣墉 新大成殿增塑像次新 とこうこ 振若此其何以稱崇仰以作興士類適監察御史 江陳孟浩來典教是郡顏而嘆曰學校風化之本 比年以來其文廟學舍領比漸不可支永樂甲 1.11 靡不完繕是役 明倫堂傍飾齊座室廬次及池 金文時集 也工不勞民費不出 倡 助馬孟浩復與司 於是鳩工定村首 訓

學所以明人倫不可一 官而歸然更新於一旦之頃往来者但視其成而不 盖欲明其道以充其性密察於幾微致謹於踐履積累 其所以成也孟浩請予記其事予不敢解則為之言曰 以至乎決治擴充而極於廣大此則學之之要所以成 於其間其理則仁義禮智其器則君臣父子夫婦長幼 朋友其文 已成物者不外乎是矣矣素稱禮義之鄉宗工 匹在全書 ,則易詩書春秋禮樂若是者豈徒託之空言 日廢學校其可一 日廢耶士游 儒 女口

業光明俊偉至今為天下重士生於斯将於斯以取法 是為 先相望他未暇論有若吾文正公之 刻諸 者豈空言而已於因悉記其事并書其說如此 出而臨民則思為良吏立朝 無負於所學無愧於先達 且以示後之典教事者尚思自勉以繼於 無脏於邪說無奪於利誘充其內以達夫外他 金丈特集 則孟浩所以拳拳於斯 則思為名臣真履實踐以 清脩博雅文章事 四 俾歸 回

多定四庫全書 武進舊有學在毘陵郡城之東二里許創自有宋至九 當督有司脩算未克記事宣德丁未都陽進士終貴来 廟泊學官漸至傾比永樂甲辰訓導軍懷退宏率諸生 而繼脩之國朝洪武初军邑者復新而大之歲久夫子 王忠輩脩之時前進士白瑜判陳州以內艱家居慨欲 元今都御史熊 是元節以大理卿承命巡撫過郡謁學 相其成首指質為倡遂募財鳩工粗復其舊洪熙改 武進縣廟學重脩記

是 貌有嚴堂無有序講誦有所像該藻繪與然 於靈星門東創三門又於講堂後勸民分地十 難念繼葺者之不易乃來属予記之惟人才之與本於 學校而學校之與係乎牢民者之賢否令觀是學之成 其創脩前後累累有人固不俟乎宰民者矣然非贵之 てこうこ 竹樹正洋池之偏增築饌堂射園使復其常於是廟 ,兹邑留意學政視學規制稍隘乃捐俸貸民之隙 可謂大備矣其郡人禮部尚書胡公原潔數脩復之 1.1. 金文晴集 五 一新而至 餘尋植

動玩四库全書 政有先後而學校之教有本末貴之為政能急於與學 卒其成功其能完美壮觀若是之盛於雖然君子之 其本立於内夫如是則所謂科名利禄之自外至者有 造窮神知化之妙以達夫齊家治國平天下之要而後 道徳之藴顧而君臣父子之倫日用事為之故莫非民 可謂知所先後奚而世之學者徒事於決科名釣利禄 之計於夫為學之本漫不加省是可乎哉夫微而性命 物則之所在也學之者必察乎此端誠意正心之功 為

哉尚勉馬端為教之本以率勵其士子而振起俗尚之 龍 政治而堯舜其君民卓然為當代名臣則於斯學豈 重有光乎是又建學之意不可不書 不足計矣是固掌教者之任而宰民者亦詎能辭其責 龍 将見異時賢才之與皆道德明秀出而為國家恢宏 川古循州在禹貢為揚州之域泰并天下置南海郡 龍川縣治重脩記 馬龍川 為縣自漢唐五代迄於宋元與廢不 紅之片集

洪武中當經冠掠民户散亡所存者僅八里而縣治傾 宣德戊申予友宗常固奉命宰龍川顧而嘆曰縣治 **圯尤甚官於是者恒病無視事之所欲重新之而不能** 弊如此豈所以稱瞻仰施政教於民於於是齊沐於率 皆驚愕以為常固誠心所感既又採於山得木八 邑中之父老告於城隍首捐已俸鳩工庀村期在必成 通數日天大雨 竭木不能出一 河水瀰漫忽得上流巨木三百餘根 一夕大雨水漲木悉至不勞餘力很 百餘

銀定匹庫全書

100

其所不必為若縣治為聽政之所盖所當為而不可 當為其所不可不為而不敢妄為其所不得為與軽 過子道其事且請為文立石以紀歲月子謂善為政者 熙有以相之夫豈偶然我常固為邑之三年来書考問 役也錢穀費用一出于公而毫髮不以勤民是以為之 又曰令尹誠心所感果如此哉乃以其年九月日 77 17 11 11 11 疾而成之者易斯實常固以誠心為理故山川之神 二月日記工自應事儀門及後堂解字換然 金丈特集 新是 興

動定匹库全書 語就嗚呼龍川無聞久矣 微属邑六和門其 庸懦因循当且而昧於政事之先後緩急者可同年而 之人說之逾四月而功成豈不為難矣我視向之偷惰 為者常固於此固不宜有所運四 何其幸耶後有益于斯者覧觀斯文尚思脩其政舉 以繼於無窮我 祁門縣廟學重脩記 也其地為東越奧區山水奇悄地 旦得吾常固而作新之 一旦與廢舉隆神

, , , , , 徒之直分後會功躬勤程督首大成殿次門應舍宇 北尤甚值有司多故弗克以時脩治宣德二年教諭孫 **隘而少田其俗質朴其民剛勁而少争訟唐代宗時** 於西南應嚴滋久學官或脩或否至近年以来禮殿 曰讓奉命來典學事喟然有志改作乃率訓導胡文昺 名之為和門云宋端拱中始建學於縣治之西後復徙 黟縣之西浮梁之東置以為縣以其地有祁山閶門遂 及邑之富民汪士政等十一人相與裒金帛為材木工 1 金文清集

重學校者以其為賢才所自出而學校之為教不越乎 翰林脩撰曰恭請予文為之記余因告之曰古之所以 明年之夏曰讓欲識其歲月以貼永久乃致書属其 是廟學之規始足以稱瞻仰經始於三年之秋落成於 欽定匹庫全書 父子君臣夫婦長幼朋友之間而已盖人之有是身也 暗祀皆撒而新之弘敞通明崇客堅緞悉合法度於 定匹庫全書 要 * 必有是心有是心則必有是理是理之在天下亘古 日者也而或為氣禀習俗所拘則於是理或

蹑矣治何遠大之足期我微故大即文公先生關里所 習而欲以釣聲名干利禄者靡然而莫之顧則其本 造就而至於遠大也奈何世之學者往往昧其身心之 所固有因仍当且徇目前之利汲汲馬惟科舉詞章之 所昧故必為之擇師儒因其固有者以尊之使其讀書 善精微之藴而後吾之本立底幾於聖賢之徳業有所 窮理以誠其意正其心脩其身自家而國以至於平 之道必使之貫通法治以極夫體用之全以造夫至 金丈靖集

得之效 我余以曰讓有志於斯文而又能興廢舉墜以為學校 天下國家者本深實践将無所處而不當豈功利云乎 事者有考馬而無忌曰讓之志也 之光故樂為之記得刻諸石以警其徒且使後之任 人者 其道徳文章昭然具在曰讓尚端本立教以先生覺 妵 匹库全書 百鳥圖 日與諸士子講明紬繹使其反諸身心者有自 而超然於科舉詞章之外則他日 فالخ 推而施之於

意脩篁蒼蔚莎草微並淡烟翠霜與波光摇蕩上下 科溪流淺渚岸陽平曠有古木數林即枝編葉脈然秋 欠三分豆 者桑而居者鉅細不同形状各異止於樹者五十有 徧 **映岩鷗鷺凫鷿鴛鴦鸂鶒** 百鳥圖者宋宗室趙千里所畫今長洲教諭周君岐 偽鶬爲爲傷魚山雞野雀之属不能悉數 所藏也圖用絹素從為不能逾起衛廣三尺適與 者俯而視者雅者鳴者行者栖者飲而啄者並而 へれう 金丈靖集 **鴇鶩鴻雁為龍鸊鵝王** 睢 仰 싊 而

造巧奪天造碩惟尺素之間而幽問平遠有以含不盡 於岸於洲者十有八其羽毛爪嘴自然之情能纖悉不 於竹者七於乘者二翔而未集者八浮於波者六游息 工而似真又兼得物之趣馬宜乎世之人寶而傳之不 其趣為難且禽鳥有形之物最難似真今此圖匪惟能 經營幕状良亦勞矣盖畫非難也工為難工非難也 之景而寓無窮之觀叶亦奇矣我而趙公之構思匠意 **蜜拱解之難得也雖然畫一藝耳能造其妙而使**

四月月月

欠三 日年八十 身有聲於時今錐以教職自任恐枳棘不足以棲 慈乎世之人争 慕而親爱之不釋也周君早以経 慕寶藏至於如此况於學聖賢之道而造其極者乎 孤鳳凰政謂此也此意恐非畫者所能喻也姑為記 行将和鳴於霄漢之上矣昔人謂啁啾百鳥中 **拜頭硯記** 央官諸殿尾其身如半筒而覆簷者其頭 金文時集 শ 朝 忽

央察其規制厚薄皆同但質形稍粗耳嗚呼此及自漢 萬壽無疆曰永壽無疆西至背厚一寸弱後人以其背 有面外向其面徑五寸圍一 尺六寸强有篆字凡六等 玩者何限然皆澌盡無遺獨此尚留人間往往為士大 至今已千六百餘年矣追想當時金玉珍奇之物 秋八月予奉使慶邱王以此在相遺其家文曰長樂未 平可為硯遂去其半筒因呼為瓦頭硯宣徳三年戊申 曰漢并天下曰長樂未央曰儲育未央曰長生無極曰 可蜜

垂丘

四月月

夫所爱重豈非所謂鈍者毒之驗數因書此以識歲月 次色四年全書 四 高配天其重厚配地其悠久縣邀冠乎古今舉天下之 君子之所以因名取錦有非徒然者盖将以比德而進 且以發子之一既也 嚴嚴係那所略者以見志馬夫泰山為東魯之望其崇 營當以其字魯瞻揭其所居曰望嚴盖取詩所謂泰山 於萬遠馬子友曾君魯瞻隐德博學布衣疏食遊然無 望嚴記 金丈特集

發育萬物又有以資世之大用馬於戲魯瞻之意其始 翠而長松巨柏挺拔於霄漢者此山之材用也世之 測 於斯數雖然魯瞻固未當期於世用也然觀其所 知山之崇高重厚以為魯邦之望而不知神靈蘇 而言耳若夫鍾神毓靈萃奇發秀揮霍陰陽變化造 朝 教者莫與齊馬然所謂崇高重厚者特以山之形 厚凝重而文采之呈露自有不可掩者其将 而雨天下者此山之利澤也磅礴者宜鬱 卷 钦定四車全書 诉淦而西上游五十里為象江其地夷曠水清而駛山 著以為記且以求正於他日馬 家庭是為吾蕭氏之居馬蕭故 遠而秀竹樹蔭門泉石在户琴書列於几席衣冠集於 望盖将與岱宗而同其具瞻矣予昔扈從過春山之 而薄發者歐是則魯瞻之嚴嚴者豈為其 覧其勝形之 致敬堂記 (詠歌因魯瞻求言遂得發其梗縣而 金丈特集 文獻大族自萬曾以

今天下之事熟有大於敬親者乎人皆知有親而 稱宗望之孫曰迪恭凡弟五人俱现偉亢爽當悼其? 以明経登進士第今給事户科與子有媚好問以其兄 舒其爱目之誠乃築堂而名之曰 致敬迪恭之弟迪哲 以忠厚起家有若宗望德望雅望尤敦樣謹厚以長者)意来請文為記於乎五倫之厚熟有過於父母者 行甫弗待於養獨幸母夫人壽考康強思欲盡養以 以為養也知所以為養矣而不知所以為敬也是

色者非敬之著乎婉容偷色以盡其歡非敬以将之乎 先意承顧以順其志非敬以達之乎扶持於出入之 衣服飲食公時必慎者非敬之存乎定省温清弗違弗 不以頃刻 又非無時無處而不致其敬者乎彼汲汲於口體之奉 無事而不悅無所往而不順也然求其能盡誠致敬 而曰吾飲食之甘也吾衣服之美也吾起處之造也吾 とこうらい 得夫事親之道者盖寡矣於乎此吾迪恭兄弟所以卷 而弗恭周旋於杖優之間不以重髮而弗 金文時具

到定四年至書 拳於敬之一言者可謂得事親之要矣雖然敬親固大 而散身為尤大是故孝子洞洞属属如執玉如奉盈不 矣其於敬身之道尚無致其力馬是為記 身而不能敬其親者也然則迪恭兄弟之於敬親固得 生也是故敬其親者而尤在於敬其身也未有能敬其 以跬步之間而弗致其謹者盖恐貼親之辱而泰其所 唇家去沙坊可二里許與袁氏有世姻素為漢太尉安 環翠堂記

然有立志且能恢復舊業以光其先人當於所居之傍 構堂數極為無休之所高明宏敞傑出塵表四山羅列 今與南有子五人曰吉祥曰吉榮吉華吉信吉瑞俱卓 之後世業儒子孫之蕃常數百指子見其家已五世矣 次定四軍全書 者日不暇接因相與命其堂曰環翠今年春予荷聖天 若城郭然雲風蒼翠綺綰繡錯争奇獻秀於几席之下 子推思先世遂得奉命書歸省太夫人於家暇日過沙 坊古祥兄弟為置酒邀余坐其堂上酒既行拜而請 · · 金文靖集

斯堂之記碩先生有以教之匪為吉祥兄弟增重且於 以妙年美質居有華屋衣有美服有童僕可以備使 也豈持資以将目賜懷為觀覧之具而已我今子兄弟 来世亦永有光耀馬予謂君子之居室将以進德 有耕稼可以供伏雕有烟霞泉石可以供笑傲所以通 性情快其耳目者盖無一而 則為孝弟忠信致謹於日用常行之間防慎於幾微 於是君子之道脩之於已則為仁義禮智行之 不得馬然君子所性 脩業

當致力而不敢忽者吉祥兄弟相與優游於一堂之 とこうう ハト 太平之澤者豈無自而然我余於斯堂之記 則子之兄弟所以安處於斯以享其悠久之福而涵濡 鬭江之聲不作於門牆熙若春賜之和充乎堂與之內 究之詩書六藝之文於以講學而脩德勤於揖譲 之琴瑟埙篪於以重倫而厚誼悉疾之言不出於 以敦禮而肅教謹之享祀蒸當於以奉先而敦族協 獨之際而不使有須史以車于其道此則士君子所 金文清集 不及夫山 t 進退

法疾戮斯堂之有聞而斯文之傳亦永永無窮馬其果精之動以承於其先紹於其後而為鄉里之川景物之勝而獨拳拳於斯者盖以進吉祥兄弟於金近四母全書 渺澄深瀦匯其傍而蒋氏所居宴在於此居之四陽 而唇峰疊嶂嶄然高出乎雲溪之表北則池 常之宜與有勝地曰抽山其東南平皋沃壤聯絡夷曠 植以竹其條暢脩貸鄉 巢筠别業記 鬱然如翠旗下垂蒼玉之交映 者盖以進吉祥兄弟於美 湖之 水 浩 則

其 世 傲雪霜虚心勁節凛然如莊 也其清聲逸響鏘然如金石遞奏韶釣之 龍 師 氏之彦曰希文者日對玩徜徉而心甚爱之乃築軒 7 當時齊舍亭館之勝泉石花卉之富中更變故 疾解歸将尋其別業之勝而樂馬濱行公以 圖閣學士樂之語詞示予曰是居也寔龍圖之 今少師户部尚書夏公庭近致賓整以訓其子 以其盤屈者巢馬遂扁之曰巢筠别業間應辟至 金之清集 人正士之不可以屈挠 如也 ٤ 其先 其法

定四年全書 禮者謂竹之有筠以 級可構而巢也果何取於斯馬然予以為筠竹膚 筠者豈以其處此出入起 亦寥寥矣况竹之孤直跌抗其枝葉條幹非若木之 惟巢居穴處見於鴻荒之世其後有室居之固巢之 林之清絕尤足以想見當時之勝緊也祈 墟 抑将以筠陰茂密而其居託夫陰翳不暴於 乃祖時中當欲復之而未就今幸别業之存 N. 明人之有禮然則希文之所謂 居必由 於禮而真若果於 一言以記

之明月詠歌酣觸優游宴逸以終其餘年其視昔人之歸也日興故人賓客開徑掃石挹湖上之清風弄林間 友人蕭君伯辰當告於予曰吾自發軟仕途及今幾三 集 於少師公且以為之記云 次戶口戶全馬 十年無過人之長但謹格奉職不敢達越而已當取 若有巢氏之所為耶希文之志於是必有所在矣是 雲松優劣何如耶希文之志豈不可尚我用以是復 清省居記 金丈靖集 杰

期會有迎送可謂 事至物来隨而應之略無煩擾膠 清心省事之語以為居之 亂者以此心虚明洞徹無纖毫私 謂聖賢者以一心之微應天下之變常恢然 而省乎殊不知心者萬化之原神明之舍也而古 言以發其義子謂君之 V. ノニアト 順且劇矣心果可得而清 於 狒 仕也 而名之曰清 撼 之患而心之 錢穀有徵 汨於其間是 省 有餘 戸自

湛若水潔是以臨民花事之餘接之而無不得其情處 所操者得其要而已矣嗟夫君子之所為莫大乎養心 九三日月 人 無事者以故心愈清事愈省所至民服其化著績循 有不可勝言者矣蕭君歷練老成操履純正方寸之間 西騖志益勞而事益煩卒之困悴憂懣顛 而無不得其當優優馬適適馬從客暇豫若行其所 既無超異之識又乏清心之本往往欲肆情勝東馳 致未常致於挫級若是者宣偶然之故於誠以 金文精集 倒錯亂其

風者皆有以致其勸勉之意云 事有不足慮者矣豈徒省之云乎我君惟有見於此夙 養心莫大乎寡慾寡慾之至則心可得而清而天下 君之素故樂為之言并以自警且俾有官君子聞君之 夜拳拳馬服膺於清心省事之 **養省察者可謂至矣乎予與君交游之舊因是得以著** 八景記 舍許有地曰莒洲坡陀迎裘大江之 言其所以致謹於

金写区屋 有書

之趣也於是指其景之尤勝者命為八題曰鳳谷棲雲 其舊觀構以層軒發抗奧而據幽勝蓋欲盡得夫山 錦口東鼻今公與之子仕禮益新而大之乃瞰江滸 於他族厥後碧潭之曾孫公與復卜築於洲之東因自 家有錦碧潭居士者世家洲上数百年來子孫之盛甲 萬陵遠近俯仰環平汀岸之外者一舉目而盡得之誠 次定四軍全書 天造地設負奇紙秀之與區故姓謝氏居馬謝故衣纓 交流其傍地宜竹樹桑麻森鬱蔽虧蒼然可爱而連 金文精集

菱荷蘭芷之 涵浸乎几席烟雲敛舒於朝暮蒼翠綰錯於上下 美無塵俗喧囂之雜長汀遠渚映帯平户庭水光山 無窮而或地之所寓非奇勝之區景之所得之雄偉 歌詠間來京師馬予文以為之記余謂天下山水之 則其樂有不能盡者矣今仕禮所居有幽曠遼夏之 ŗ 河魚躍曰松林巢鶴曰義渡横舟縉紳大夫皆為 釣月回東舉晨牧四南岸春耕回苔浦航 ノニア 於數魚鳥鳥驚之游泳風帆雲播之 歸

多三日三日 白 而 之下然則東是之勝所以著名於今日者誠 烟簑雨笠之出沒凡可以供臨眺之 於今日乎雖然東皋特隐居之勝耳若仕禮之出為時 而廣以此觀之東暴非得吾任禮為之品題其能有 同垂 固将建功立事期於遠大而思所以為山水之光若 則東皋之得名不徒為合日之美将必 子曰地雖勝得人馬而居之則山若增而萬地若闢 不朽矣好為記其縣以俟徵於他 金文靖集 為斯文 日馬 得所遭 Ī

君嘉靖之所居也其先居深 西莊在淦東上游四十里今北京行部吏會員外郎 金にメセスとして 衛雪 其卉衣被專樹其四時之間禽鳥上下鳴聲相答 野唱旦暮迭作烟蓑雨笠遠近相望行旅遊 即 西莊 吳氏西莊記 據玉笥之麓前後峰盛秀技嚴谷香密長松巨 漢脩竹茂林蔽虧 而家馬西莊去深圳可 烟回 圳至嘉靖五世祖竹隐 層青積翠流潤户庭 里而近其地磅礴 柏

大牛羊溪有魚飯是鴨可以給衣食賦稅為賓祭之奉 田有稻秫林有桑麻圃有菜茹池有菱芡芙蕖場有雞 雜還憑島瞩目而在中之奇勝皆集於几席之下而又 在中樂太平之無事覧景物之及時或雅歌投壺或經 佳時暇日吳氏之父子兄弟率其賓客故人相與禍 琴賦詩或圍暴酌酒或掃石而坐或席樹而眠或登丘 孟無往而不得由是而觀吳氏專西莊之勝所以長 而望或臨溪而漁笑談嬉遊倡和酬酢熙熙馬適適馬 シニシュ 金文请集

金豆以库全書 老孫享其樂於悠久者誠世之所難而不易得矣於平 以远於今盖十百年於此矣其間文獻之相續世澤之 不轉瞬鞠為草莽無復遺響者有之吳氏自唐歷宋元 於其後者如此耳今嘉猜以文學發身遭值聖明克有 偶然之故哉實由先世積累之深詩書福澤有以沾溉 相承子孫系序之相傳綿綿延延致久遠而不墜者豈 下山水奇勝之區所以娛樂極耳目之欲者何限曾 位公退之 除企略徘徊猶拳拳於家食之日至乃託

常以梅雪自錦人亦以其錦為宜盖君為人意度而落 吾友徐君仲敬畫梅得楊補之遺意時人無能及者故 後之人覧斯圖而徵諸斯文尚亦有所感發也 里且同官於朝因其徵言故歷述西莊之美與其山 欠日日日上十五十二 心之樂及其祖考數遺積累之厚以為之記且伊且 預有禁艷非善於繼述者能若此哉于辱與君同鄉 圖畫微之歌詩以追述乎祖考之舊俾西莊之山水 梅雪軒記 A. 金文靖集 Ī

色気氲交錯聯翩委積 其幽姿勁質提特乎歲寒凍五之際則 雅操澹泊 此其皎潔之質可貴者如此 物凌寒所凝瑶英六出温素流 記夫梅之為植孤芳獨立無 能以挽之此其清貞之操可尚者 軒而題其扁曰梅雪士大夫既詠歌之復来徵 有類乎梅之與雪雙清並潔世無 則凡塵土 桃李之艷蘭蕙之秀而 今也梅與雪適相值 之 輝上 溷 天 凡風霜之凛 女口 此若乃雪 同雲萬里 間 言 河 且

素之境香逾清而可挹光逾净而可濯奇姿異態便矣 雪至潔也麗之以梅而益潔此不惟二物之 陸離不可名次由是觀之梅至清也被之以雪而益清 者從可知矣君自少卓學不羈既長由郡庠入補太學 軒之勝亦藉此而愈奇也君之所好如此則其所 **歴錢三十年所志彌篤所守彌堅而所造者彌深豈非** 拜監察御史轉右春坊中允出為姑熟太守及今歇 一飄然若姑射之仙縣白鳳乗素鶴逍遥 金文清集 相宜而兹 抱負

多定匹庫全書 地曰楊家莊是為忠襄公之里莊之西两山嶄絕秀俸曰 詩所謂惟其有之是以似之者數子與君相知有素因敏定的庫全書 林陰森嚴日禽鳥上下鳴聲相答白雲烟光嚴虧朝 鹿峰其前行為平田有二小山突起與鹿峰相直者曰 君之請遂并書其出處之概以為記 金魚峰峰之下有澗水清冷可爱其聲淙淙然住木茂 于少時當以先大夫諭徳之命将學盧陵道出南嶺有 南麓齊記

麓也為之徘徊留憩久而後去自是十餘年子春以科 散造予而請曰先曾大父學睡翁少傳劉静春之學涌 進士拜監察御史於是李琛父子與余往来益容 目有官於朝而忠襄公之裔孫季琛以薦者仕為南海 該幽絕竒勝之所萃問之居人則曰此楊氏所居之 在宋太學時常上書一 易詩書春秋而於天文歷數子史百家之言靡不研究 たこりる 令始獲相識又數年季琛自濟陽知東平其子散亦由 1.4.17 斥賈似道之好以時事不可為 金文特集 蓋 回

以崇墉列以住樹積書數千巻昆季子第經誦其中盖 是南麓之學遂聞天下至先大祖文川翁後大父濟 四方學者切磋講論而凡造公之門者皆為時名人由 遂翩然来歸始築室所居鹿山之下名曰南麓齊 俱以清脩雅望知名當時而所以講明夫南麓之學者 拳拳作南麓常命黻巧先生之文以記之敢再拜以請 気四母る書 繼不輟近世家君復改築南麓為堂宇而增修之 以少繼先志也今官避南北逾二十年其心未當不 闰

若學睡翁之清文懿行師表當世赫然為士子所宗 之相接者猶一日也繼忠襄之体烈紹家學之淵源有 夏數百年来其間文獻之相續世澤之相承流風遺韻 之博冷濟川之敏識卓馬以師道自任而南麓之學益 子謂楊氏以忠襄大節磊磊落落巍馬煥馬為鄉邦冠 著而聲聞流豈非以忠烈之澤深長而弗絕詩書之 顯於時及合季琛父子復以賢良科目顕榮中外事業 洗頹弊之陋則南麓之學有以為之倡也自後若文川 欠三可重 金文精集

派養而益我敷嗟夫世之高蹇鉅棟嚴嚴翼翼所以供 蜜與四項在書 繼述之善者能若是我詩曰高山 為悠久卓卓乎為鄉里所倚重非先世積累之深後賢 娛樂極耳目之欲者何限自不轉瞬鞠為草恭之墟無 於李琛父子并書以為記 復遺響而楊氏齊居巍然於烟雲之表與山川人物 子子孫孫勿替引之各於楊氏尚深有望馬請以是 環山樓記 仰止景行行止又 相

第 語陂之上其地行沃夷曠茂林住樹扶珠蔽虧清泉 環兩山間盖取李愿居盤谷之意今伯機之嗣子容復 白石輝潤洒落四面環以着翠若崆峒若鹿角若山四 馬有曰奇相伯機父子者俱讀書鄉里以謹愿稱當構 諸峯逶迤綿亘巉巖秀鬱如重城厚郭低昂起伏隱然 如與人拜跪拱揖可喜可愛奇相翁存日當號其居曰 以远於今詩書禮義之相承衣冠儒雅之相總盖彬彬 水之谷坪李氏為西平忠武王晟之後由唐歷宋元 金丈清集

多定四庫全書 謙謹仰承先徳之懿祗服禮義之訓佳時暇日與故 **^绝茂所以事其山水之樂者盖數百年于此矣况以其** 草茶無復遺響者有之李氏之居谷坪蓄德流慶蕃行 作楼若干楹以為宴適将觀之所遂更名曰環山介友 賓客盤桓於斯樓之間或雅歌投壺或彈棋酌酒攬雲 供娛樂極耳目之欲者何限然往往未及轉瞬鞠 羅君貞吉來徵文為記於乎天下山水奇勝之區所 有隱德若奇相伯機之世濟其美及今子容之篇層

援筆一賦之姑書此以俟 如哉若是則今日環山之勝可以無愧於盤谷矣俟予 其兄弟周旋於禮讓之城雍雍乎于于乎此其人果何 吾伊相接使其子弟脩業講學入以事其父母出以方 迎素月休休乎適適乎宜何如其樂也若夫春誦夏絃 霞於掌握撫着翠於目前濯清風而挹爽籟送夕陽而 マンラー ハル 他日謁告南還造諶陂之上登環山之棲尚當為子容 臨清軒記 金文晴集 夭

潔者則嗜夫水雪雖好之情有不同而所以同其清者 燕息于斯遂顏之曰臨清來徵言為記於乎天地之 哲之所居馬君嘗築軒溪傍後負林樾前俯清流 石莊之上多住山水有溪紫行如帶緣山麓而下復西 之極於清者人所同好也是故處江湖而蕭散者則 度石橋數十步有田可百畝羅布溪上是為袁君景 而已今君之居是軒也高明窓的可以遠塵囂 風月處邱園而 **逃獨者則嗜夫烟霞處山林** レス 而髙 其

到定四年全書

擾有一毫以膺于其中則其極於清者果何如哉雖然 一琴和滄浪之歌于以濯清風而挹湍瀨于以送夕陽而 魚鳥之游泳襲蘭芷之芳馨君乃焚香煮茗鼓緑綺之 |寂夷曠可以怡心神無煩擾以亂其形無喧歌以亂其 君之有取於此者豈徒為一時之美觀盖將以進於道 塵不生佳時暇日賓客游從則列坐軒中談論古今觀 耳水光雲影晨夕浮動於琴書几席之間一 迎素月徜徉逍遥惟意所適曾不知世之紛華膠膠擾 金文清集 碧澄瑩纖

書皆學必能繼君之志以昌大其家者因君之請故 矣君溫純為厚有子三人曰大鴻曰大鵬曰大點俱讀 馬道固未窥也而川上之流孔子則取之盈科而進孟 多近以库全書 遠大之域如此則徳日加進業日加脩而於是軒有光 滌其舊染之汙觀其流之不息則思惕厲自强以造失 則取之君處于是軒觀其流之清則思疏淪深雪以 進)脩堂記 一勝并致其期望之意如此云

業之說子友愈憲李公原此為篆三大字揭諸楣間而 豫章羅公器質美而好文志銳而善學當於所居作堂 國子祭酒胡公復為之銘士大夫與之将者又皆為詩 以為藏修之所而名之曰進脩盖取周易君子進德脩 以弱之間來請予言為之記當觀易乾卦之九三有曰 徳脩業忠信所以進徳也脩辭立其誠所以居業也盖 君子之學以動勵不息為本終日乾乾所以法天之剛 君子終日乾乾夕惕若属無咎而夫子釋之曰君子進 金文晴集

健欲其無一時而不强無一息而不强也使少有須臾 辭事也主於心者欲其無一念之不誠見於事者欲其 之間以害其天德之剛豈所謂自强哉然忠信心也惟 若曰今日進之而明日退馬今日脩之而 其心也表裏相須內外無進無牽制於私欲無搖奪於 物底幾德日以進業日以脩而無愧夫君子之學矣 **剧邪存誠之實又無擇言篤志之功如是而欲望其** 言之不實主於心所以見於事也脩於事所以養 明日輟馬既

勤勵成湯之日新文武之勤用明徳孔子之學不厭誨 徳之進業之脩者鮮矣古之大聖若堯舜之兢業禹之 文三り車と馬 之義可以無忝矣予嘉公器有志於學故樂與之言且 後皆所以進德脩業也聖人且然况衆人乎公器尚 孜勉勉夙作而夜思乾乾不息致知以力行無以生 期公器於大成也 而廢千里之勤無以一 輖 圖 記 金文特集 簣而際九份之功則於名世

魚鳥之浮沉上下檣帆之往來開闔長天鏡涵遠樹柳 **距新淦邑治之西沿流而下** 比真江鄉勝絕處也曽氏之尤彦者曰仲方嘗慨然以 為昔王右丞居賴川其名勝至今不絕乎談士之口 吾所居之地其名適同而幽竒偉麗之觀清閒曠遠 族居馬盖其所居山明而水清洲渚交互烟雲戲 知也是人事 亦若不减於彼吾甚樂之於是好事者為寫賴)妙間來請予文記之夫天地間山水 含許有地曰 輖 川曽氏

邑盖當歷覽其處而想慕其勝者故樂為之記於是乎 之安知他日不與右丞之居同一不朽也予與仲方同 髙水若增而深其此之謂歟今仲方之居其景幽地勝 慕其滕此無他因其人而增重也昔人所謂山若增而 奥區無處無之然大抵因人而重王右丞為唐名人其 固已若此而又能求之當時能賦者相與歌詠而賛述 之歌詠至于今為人所傳誦雖未造其地亦皆引領想 詩律冠絕當代故其別業之在輖川四時嬉遊其間形 4 金文情集

書 欽定四庫全書 許口大港平曠行追沃壤彌望風氣清淑山水迴合竹 暢意態蕭散無一毫塵累足以動其中然後有以浮将 於心而觸於目以供遊賞之適臨眺之好使人神志舒 於萬物之表此其快且適當何如哉渝川 夫天下之樂莫過於山水泉石烟雲花竹魚鳥之物會 烟雲箭鬱秀茂李氏世居馬歷宋泊元子姓蕃威有 澹湖八景記 **距縣治** 含

· 該然無恙而反增其勝緊有過於昔間當走京師求言 能承父志善繼善述而俾其先獨所履思者雲霞草 得於觀游者悉備於此翁既殁其二子曰伯恂仲固皆 大三丁日 かき 以記其事夫人於山川之勝或一丘一壑之美已足以 曰廻岡晴嵐曰仰渡歸帆曰株溪古木曰美洲鴈落曰 廣其業常覽其所居之最勝者題為八景曰澹湖秋月 曰東湖處士者始析居里之澹湖又四世至仁齊翁益 匡嶺猿啼曰大港雲耕曰鴉灘雪釣於是山水之清勝 全文精集

宜其表而出之以見於題品也且夫世之人固有得夫 能思有以顯揚而開擴之以濟厥美其視平泉草木之 之遺迹淪於恭倉間曠之墟而為孤兔鳥嚴叶學栖息 山水之勝以為樂者率不能一 陶其情性寄其蹤跡以窮夫遊眺之樂况李氏之居其 等與日月至書 所矣若李氏父子祖孫連世相承守而勿失而又益 非 而廢者豈不霄壤哉予以是樂為之記使李氏子 隨其所遇皆有可樂者此豈世之人所常有哉 再傳後嗣弗經遂使向

金河巴四百章

龍之為靈著矣下上日星浮游海嶽感風雲需惠澤變 孫永有所勸馬 幻恍惚不可為象則夫世之所稱神靈有逾於龍者哉 靈顯感應莫威於唐尤莫盛於宋元之間錫號崇祠 山有白龍祠其神誕育之異相傳肇自晋隆安中而其 之威累千百年為不替馬距姑蘇郡城西二舍許曰陽 宜其肇迹之地人益崇信廟食之久神愈彰應而祀典 とこうことう 重价陽山白龍祠記 Y 金丈靖集

先相望逮我聖朝飭嚴祀事命有司春秋致祭著在今 典乃宣德五年禮部即中况伯律奉命來守是邦是歲 律齊宿公館夢神告以祠宇將領馬將脩葺期日以 夏秋之交闔郡大旱禾則盡稿伯律乃攄誠禱神已而 故語諸僚佐咸嗟異之且天氣澄明靈臟既爽雲彩 下哨然與敦 雨沾溉歲以獲稔仲秋之月適當祀神先期望夕伯 蜒焜燿至誠感子神實降敢既竣事伯律 周覧祠 以為神之澤被及一方而祠宇領地若是 其

動定四母全書

民之好事樂助者益衆未幾棟字赫変廟貌 宜乎神之預協夢徵吾儕恭莅斯郡詎可不思改創以 與落其成復謀勒貞石以貽永久伯律乃致書請余文 答神庥耶遂倡郡邑僚属捐俸市材鳩工而重修之而 能需澤敷惠以蔭蘇人所謂有禦災捍患之功者伯 之神其肇迹之故余不能詳而自廟食以來歷世滋 記之惟樂災桿患神之功而事神治人守之職也白龍 と・ラー 出牧於茲天子當賜璽書委以重寄而能欽承德意興 1.1. 金文诗集 一新既 相

蘇之常熟有地曰琴川盖以境内七港其源皆發於縣 是者讀斯文尚求如伯律之舉於其政哉 福祉以惠其民可謂能盡事神治人之職矣二者皆不 西諸山而並趨大江若琴之七絃馬故因以得名縣南 ·不書也予故表著之以為蘇人告且俾後之繼守於 琴川橋記 |以通行者宋淳熙癸卯縣令曾啓累

利除弊和洽其政人以大治復以餘力脩葺神祠徼兹剱定四库全書 【》

動定匹库全書

也 政之所急咸日莫急於琴川之橋且言橋之路凡四方 中子友傅王良縣進士擢知常熟下車之初召父老問 石之所荡臨近年以來寝就顏把經涉者病之永樂丙 與當有志率衆成之而未果遂其為人善經畫可任使 脩葺此吾民之深病也既又言邑人有金珵者性好施 石重脩而更名曰琴川橋歷歲既久霖潦之所噴激沙 行旅與其民人之所經者盖大半馬今壞且久而弗克 乃以其事委理率僚属捐原俸與其民之 金之情集

深壘敢以完以固越三月告訖工而其疑密精緻實加 其理吾未見其可也是故津梁道路雖民政之一 之責又莫先乎其所急苟不知其政之緩急先後而求 請書其事且來徴文於手夫親民之職莫大於令而令 之惠也東西行者且啧嘖稱於道路馬既而父老具石 於舊於是僚属與其父老皆置酒相賀曰此邑民無窮 工鑿石拯頹捍際築而堅之然後疊石於岸之兩傍愁 不可後者王良讀書列科目歷政有聲一旦承上命

欽定四庫全書

"皆學不怠當闢一軒而名之曰雞曙所以示勤勵以警 懈惰也間來京師求予言記之夫羽重之類可愛者 世矣至宜界兄弟始徒居歷山築室買田家益饒裕尤 吾邑金水之東有鄒氏馬鄒故大家其居書田者盖數 出宰百里能因民之利而利之而其民亦皆越事赴工 とこうこ 有若不知其勞馬是皆可書也遂以此為記并識其歲 月俾後之人有所考馬 雞曙軒記). LI. Į 金文靖集 Ī

動定四百全書 嘗託之以資詠歌或擬於圖畫以傳示永久若雞者無 雅之文采獻之遷喬龍之送喜鵵鷺之行鴻為之序至 若鳳凰有九苞之奇鵑鵬有萬里之運野鶴之清唳山 羽毛之奇聲音之美乃獨有取於斯者何哉盖當聞是 於戴勝之知時王睢之有偶皆有足稱馬而古今人盖 也尚矣吾想夫宜昇兄弟當東方未明之際旦氣既清 禽也備美五德專職可晨稱於孟氏見歌於詩人其來)時惕然而省恍然而悟謹之於幾微之始防之 於念

醉生夢死而恬然弗省者視吾宜昇於志豈不有愧馬 慮之初使吾為善之心無一毫之敢忽而怠慢之志無 钦定四車全書 致余期望之意云 勵以警怠惰者寧有窮哉彼有自暴自棄終日沉酣如 夫詩自三百篇以降變而為漢魏為六朝各自成家而 余嘉宜昇託物命名而有志於學也故樂為之記且以 息之敢萌夫如是則朝斯夕斯惟日孜孜所以致勤 吟室記 金文晴集

其體亦隨以變其後極感於唐風風乎追古作者 于今言詩者以為古作不可及而唐人之音調尚 後世之為詩者皆率雕雙藻繪以求其華洗磨漱 趣深到雖千載而下猶能使人感發而與起何其至哉 哀樂悲情之形於辭者不求其工而自然天真呈露意 模做下此固未足論矣大抵詩發乎情止乎禮義古 人於吟咏必皆本於性情之正沛然出乎肺腑 其清粉篩塗林以求其艷激昂奮發以求其雄由 滌 有 故 其 可

指歸為外古人之餘固不能不為之一慨也既不可辭 景徒事於風花雪月為藻繪塗抹者之比矣俊民來京 钦定四車全書 師徴予為記予亦有志於詩者今齒逾五十尚未能得 石之蕭爽有園池魚鳥之間適觸目興懷即物起興皆 吟室盖俊民所居據眉湘之勝得山水之秀有烟霞泉 少喜工於詩其家居時當構屋為游息之所而題之曰 失於詩人之意而有愧於古作者多矣予友饒俊民自 可發而為詩其必有得於性情之正而非世之流連光 金文晴集

必懇懇以辭而孟脩以知已故請再三不輟且以予與 予不能以辭也則為之告曰嗚呼君子未始無所樂 世居淦之官洲當以林泉逸樂自號丐一言以為記予 遂舉古今人之所以為詩者以告之且以為記馬 其父大恒有一日之雅必欲得一言以塞其願望之意 日直禁林早出暮歸於文字鮮暇属筆凡四方有求者 友人孫孟修近自吳中來謂予言其所交曰黎庶清者 林泉逸樂記

恬寂之境寄迹於閒曠之鄉不必有肥甘居室之美 而衆人之所樂者君子有弗與馬是故肥甘以為羞居 /志惟勤 有興馬聲色金玉珍寶之好而其樂反有過於衆人 所樂也而君子則曰吾布衣疏食誦詩讀書怡神 . 7 此無他由其趣向之異而所志者有不同也然則無 以為華與馬聲色以為雕金玉珍寶以為玩此衆 取適於林泉者其亦幾於君子之樂乎雖然君子 可以成德以逸自放者非美德也無清妙 金文情集

者之比哉盖必以勤於逸優游自適以樂其樂而異夫 追思音時之樂恍若夢寐每翹首金川玉笥於長天落 月其樂盖悠悠然殆與庶清無異也今宦遊幾二十年 主組之榮者恒遠夫山林之樂憶予首在鄉校時常往 甚適也然所謂逸樂者豈流連光景放肆於形骸之外 美質好讀書吟詩明聖賢之道慕恬寂而尚閒曠其志 來官洲之上與二三朋從延覽登眺梅芳澈流朝風弄 衆人者之所為美大抵居山林者恒速夫圭組之榮有

銀定匹庫全書

くうう 清必有以相告也姑書此為記以俟 遠近村歌野唱相和相答風帆浪舶 殺断出沒四時 緣江上下緑樹連坡長林蔽郭天光雲影盪摩吞吐浮 淦之上游二十里近曰沂江山清而水秀地幽而景勝 照之間未嘗不為之恨然也異時幸得歸省于家議舟 一訪庶清於林泉之下絃琴賦詩以求其樂吾知庶 沂 **霭掩冉陰翳沙禽水鳥飛鳴上下農家漁舍映帶** 江八景記 1.1. 金文情集 里

間 對定匹库全書 矣孫氏有彦士曰永字孟脩豪爽俊邁喜讀書吟咏往 與孟脩數相見暇日過予談論恒傾倒相得也其家在 男勤于耕女勤于織有疏可站有稻可食有魚內酒 以享其土地之宜樂其山水之勝于此者盖亦數世 可以供賓客有麻桌布帛可以給用度而孫氏之居 .湖間甚為賢士大夫所稱賞予扈從兩京十餘年 洒出迫景物之美具集目前孟脩顧而樂之乃 勝者命為八題 時士大夫咸為賦

播之四方此無他盖因時而有所遇者然也柳子曰地 逾于蕭灘王峽也一旦得吾孟脩為之品題而其名遂 美不逾於金谷以右軍而流芳於千載今沂江之勝 峴山之髙不逾於萬華以羊枯而得名於後世蘭亭之 雖勝得人馬而居山若增而髙水若闢而廣以此觀之 以魚鳥為朋侣寄髙情於風月紬 詩而請予為之記予謂山水之區因人而勝者尚矣 尤信雖然孟脩之為志吾得而知矣以泉石為枕席 金文晴县 雅志於雲烟牢籠

多定四母全書 必有出于八景之外者矣姑以是稔于孟脩并書以為 態潄滌萬原弘其中以廓其外若是則其所得而樂者 善石門梁孟敬先生既為之銘今均泰墓已宿草矣其 新喻習均泰氏誠為謹愿士也當名其所居之堂曰樂 記 直禁林晨出幕歸未暇属筆而懷恭請之數四不置乃 ,懷恭念先訓之不能忘也而復請予言為之記予時 樂善堂記 P.

是天命之本然者日以微削而凡目之欲色耳之欲聲 矣善者天命所賦之本然惡者物欲所生之邪穢也 毫之不善以害吾天理之公如是則仰不愧俯不作 之常性莫不有善而無惡一為氣禀之拘物欲之散 因退朝之隙舉所聞告之曰天下之道二善與惡而已 吾室廬作我蟊贼矣君子知其然必有以克而復之 口之欲味鼻之欲臭四肢之欲安佚紛紛擾擾舉皆君)于戒懼之際慎之于言行之間涵養操存不使有

たいうらいたり

金文精集

營汲汲以為不善而不能適其樂者霄壤不伴矣雖然 均泰之善豈惟著于其身其遺訓之在斯堂者及今猶 之于心其志趨高遠識見超邁視彼尋常聲利之徒營 終其身惟德是好惟善是脩不惟得之於已而又以樂 然有不可勝言者矣嗟夫天下之物若金玉珠璣珍竒 廣體胖優游於天理之內涵養乎德義之中其樂油油 玩好聲音米色之属可樂者多美苟無道以制之孰 西甘 归 溺于此以丧其本然之天而均泰獨有見于 此

金分四人名言

起 家云 江縣學訓導今以書滿稱職性湘潭縣學教諭能世其 裕 ここう!! たよう 新喻多佳山水而資溪尤占其勝是為傅氏之居而釣 者孟素之所游處者也孟素以布 昭然登降俯仰之間使其子若孫徘徊瞻企感發興 於將來者其有窮哉懷恭謹慎庶退以明經舉為平 皆勉於為善而有以樂其樂則斯堂之慶所以垂 脊溪釣者記 . F 金文精集 衣極遅鄉里冲澹 四個

波 其子常熟令王良乃以先生所為文及鄉里諸君子所 皎皎乎不可尚矣於是孟素遂寄跡于釣因自號曰資 趣所以嘉尚於孟素者其意深矣今孟素傾逝已久)樂而石門深先生孟敬復為之序以發其恬逸雅澹 而友鷗鷺其志休休馬無 釣者一時同志之士咸為之歌詠以寫其山水幽閒 朝市養嘉避於邱樊希古人而為徒慕前修以自 不慕榮利當持一竿釣溪上憩清風而弄明月濯 物以嬰于懷抱謝籍組 礪 烟

釗

定匹库全書

蘊也故善觀人者不于其迹而于其心 尚以心求之 者自居特其迹而已盖迹者身之所寓而心者德之所 欠記り声心打 其人之超向從可知矣余與孟素居同郡未當有 孟素家居力問學克敦儉素無一毫外慕之心其以釣 之夫士之所志莫難於甘澹泊而尤莫難於遠榮利尚 為詩凡若干篇裝潢成卷將以垂示永久復來属予記 之雅因推其心之所存與其志之所向而孟素之為人 為利誘所牽其不汨沒於甲汙苟賤之中者鮮矣余聞 金文精集 置 8

風 儉克承其世慕賢尚德之心孜孜不怠而於世慮外 塵埃喧囂之境而傳氏彦榮之居實在馬彦榮敦朴質 淦邑城之南闌關輻輳室屋鱗次遠蹄輪紛踩之區出 也 切口四百十)其爱親之心且俾其後之人相傳無窮而 者尚亦有所感發乎余重王良之請用述此為 以想見矣詩曰髙山仰止景行行止然則聞孟素 雅穆堂記

者多矣故借粮德色取箕評語以至操戈同室閱墙以 莫父子兄弟若也自世教衰民奏物則有不能得其正 升堂展叙家慶父父子子兄兄弟弟歡欣怡愉椿桂並 與題其堂曰雅穆且來徵予言以記之嗟夫人之至親 列花萼交映天倫和樂之美盖可想見於是士大夫相 恒澹然無營二子長孟說次孟楫翹然不羣佳時吉日 構怨者比比而是於是家庭之內始失其和不相 ここう!!!! 相遜順而大義遂垂君子不能不為之一慨馬今傅 7 金文晴集 聖 親睦

恩義之隆同氣之感迭應而交孚使其中油然皆有以 氏父子兄弟藹然和洽不競不凌揖讓後先不愆不惡 蠹倫敗禮平恩悖義怠傲凌戾者不可同日而語矣雖 於其間非底夫雞移為於民藝者能若是哉其視世之 念其天顯之真敦夫倫誼之重而無有一毫違拂之意 然彦榮父子之美豈特著于其家将使其宗族鄉黨之 **積之之人和氣之盛薰蒸融液感孚浹洽發而為駢** 為父子兄弟者皆有以與於其行而成敦厚之風將

動定四库全書

是為記 宣聖之五十六世孫曰志仁者聰敏好學克承其家曾 吾里泉井孔氏系出宣聖詩禮衣冠之盛非他族可比 復之今年春二月志仁買舟下鄱陽逾采石上金陵選 為堂數楹以奉起居名之曰慈壽屢属余記而未有以 念其父之不見而幸其母之獨存也乃即其室之西偏 之花連理之木以昭其應者又未可量也姑書此以俟 慈壽堂記 金文晴集 朢

因退朝之服篝燈夜坐談論往昔志仁復以前記為請 其母之慈也然慈主於爱而或流於姑息爱失於慈則 /推四過 傷夫情義莫不欲其親之毒也然或臻于萬年而 所難能而有不可以必馬者志仁賴其母之賢鞠育 酶関関馬惟恐其弗成也該該然以望其有立也既 不敢固辭遂以所聞者而告之日人子之心莫不欲 不足或力足以致養而親有所不逮斯二者皆 鄒魯之鄉魔此其之區訪余於金臺之上間

多灾四月全書

養而已然又恐吾親之不待也故必期其壽考而後可 當何如哉其必曰吾之於親恭為子職亦惟竭誠以致 以慈爱於志仁者如此則志仁之所以願望其親者又 庶幾馬余意志仁之於母思菽水之盡歡而恒存喜懼 不失於姑息而又不傷于情義是誠可謂慈矣母之 情念桑榆之漸晚而不忘爱日之 謂能致孝而不負於母矣余兹竊禄于朝尚幸沐 如陵也如松栢之後周也如南山不騫不崩也斯誠 金文清集)誠願母之壽必如 罕八

為吾親壽幸先生賜 縣學教諭将行來請於予曰吾昔家居時嘗構堂為奉 以俟 南還登斯堂之上誦白華南阪之詩奉觞酌酒以為其 多定匹庫全書 華亭諸文亮氏司教京兆之九年秩滿得漳州之長秦 母夫人之壽庶因有頌歌志仁之樂豈不快哉姑書)所名之日齊壽所以期吾親於高年者也今將歸 齊毒堂記 一言為記庶以為諸氏子孫之 此

欠二日日 白日 昆弟既得夫人之所難又能盡美於其所尤難則齊 而孝子仁人得二親之康寧壽考者為尤難也今文亮 盖壽也者天之所錫福之所鍾也非人力所可强致者 也苟為不然其誰克有之此世之所以躋高年者為 則嗣世之賢舉案之樂又有不得以盡其美者馬何哉 故洪範五福之疇毒為之先然不可强而致是以世之 介眉壽以享有多福者甚不多見其或幸而黄髮兒萬 再拜以請予辭不獲則告之日壽者人之所同欲 金文精集 晃

是雖有猗陷之富金張許史之貴韓彭之 之幸而得其難者為何如哉抑嘗觀之告人能有是 易之然斯樂也 是時也愛日之誠油然而無已婉偷之樂藹然而 歌南陔之篇頌和樂之章又廣之以既醉太平之什方 也 堂部可無作而作又可無記乎予想其昆弟之處此 不過老菜子歐陽詹以及郭元振包龍圖數人而 親期順鶴髮交映綠衣爛煸子婦先後奉觞上壽 非人力也福之所 鍾天之所錫其視 熟爵尚誰 相 與

金河口匠

壽之城固未艾也若夫徳之不脩而 纵 有風福於當時而史牒之書光采輝耀傳至今不朽 子者或以行義稱或以政績顯於是其親之壽不唯享 源德者福之基自今諸氏兄弟子姓其惟徳是植則福 耳夫數子之外豈無其人哉盖不具其慶也別夫之 翰墨以圖記之後世者良有以也夫雖然福者壽之 則文亮昆弟既樂二親之壽以是而名其堂又必徴)所敢知坤之文言曰積善之家必有餘慶斯堂 金支清集 以諉諸天則豈

銀定四庫全書 謂矣姑書此揭諸堂間庶有徴於方來云 **隘不足以延賓客乃於屋之南為齊若干楹而名之** 間來京師属余友禮部員外異君嘉靖來徵文為 人之所居必有勝地而後可以寓幽迎蕭散之趣既得 其勝矣又必有宴居而後可以適性情暇豫之 迎薰中列琴書圖畫外植蘭蕙松竹誠隱居之佳勝 水豐有地日石溪趙氏士偉實家於此當以其所居狹 迎薰齋記 記夫 曰

意嘯歌徘徊皆有其樂至若思解慍之遺音想阜財於 宴体於此夫安得不快且適哉吾想其居是齊也終實 偉之居當山水幽曠之區而復為是齊以與賓客子弟 發薦微凉於枕 簟散澄顯於簷楹士偉於是或絃琴或 マ・ラ 風世慨然遐慕乎千載之上此其萬懷遠興又當何 應候薰風徐來窗户之間爽氣浮動林柯之外清響逸 酒或憩松竹之蔭或挹蘭蕙之芬周旋起居無不適 而是齊之名於是為稱矣余聞士偉泊其弟士郁 1.1. 金文精集

多定四库全書 之齊豈得其心之同然者數是可尚矣遂為之記馬 哉昔人爱夏日之長而愜薰風之爽者誠有在矣士偉 喜賓客好文翰而子姓六七人又能温淳篤厚以承其 偏退食之暇輕登降徘徊于此念關河之 家則齊居之勝必將有聞於世而迎薰之樂抑 路寥湖弗得迎養於官舍乃作望思之堂于公署西 周鼎鎮仕為汶上丞以其親老家居而身在官途 望思堂記 題悠慨桑榆 記可 涯

敖水之 思乎若夫引睇於太空也則有白雲之孤飛瞩目於長 之既莫而弗得朝夕承歡膝下以整爱日之誠雖昔人 感於心者皆有以弗忘於吾親然則 來請文為記嗟夫人子之於親孰不欲 こう 一所以作也今年夏鼎鎮以公務至北京 謂三釜而心樂者盖終有不遂矣其將曷以紓吾之 也則有春暉之和煦以至凝情延行之際凡觸 散而不可以必得然後不能不致其倦倦之 金文精集 何由而已乎此堂 日 在其側 介其友鍾瓛 幼 ン人 盡 而

德而致其終慕之情者殆無幾馬鼎鎮尚 多定匹库全書 如古人之於時吧時站者可見矣今縣鎮官遊齊魯之對定四庫全書 以寓意於無窮而托斯堂以見志者盖有過於昔人此 随之奉不得以少盡其養則其情之為其思之切 而其親年八十餘遠在江南相距數千里定省之禮 之悲者矣雖然顯親揚名孝之大者鼎鎮於莅官 以為記且以致勤勉之意云 思有以 貽 親之令名以無忝所生則 於此 レス 求 報 親 2 所 行 凶

古之人於學無所往而不致其力盖以學者皆切於日 美壤羅布屋傍孟卓躬耕之餘則讀書講道操 染翰 結屋數間左右皆喬林古木清泉白石交映几席良田 純志銳而行為自幼孳孳慕古人之為學居石莊之上 當以無所用而忘乎學也予從姑子表孟卓質粹而器 用常行之實故雖居江湖畎畝之間耕收漁樵之中未

火足四年 全馬

P

金文晴集

以樂其樂因扁其将息之軒曰耕讀比來北京以其意

請予為之記予謂耕所以為食盖資之以給其家學所 道天下和平雨赐順序四郊無虞百穀順成於以治深 卓幸生聖明之世居畎畝之間誦詩讀書以樂堯舜之 以求道盖資之以裕其身古之賢士大夫未當以農畝 教其鄉之子弟勸之力本務農使知衣食之所自尊之 盛以祀其先人於以出貢賦以供夫公上退而優游以 為甲賤而棄乎耕亦未當以隱居不用而忘乎學也孟 以孝弟忠信使知禮義之所重夫如是則孟卓之於耕 人とうて

遂以总世者豈君子之所為哉孟卓久處山林幸 終處畎畝而已哉隱居以求其志行義以達其道固君 次至四軍全書 一四 闕之壮仰日月之光華感風雲之際會其能無致君澤 子之心也彼有託退耕以為萬離羣絕類高蹈長往而 世之不耕而食而不知學者霄壤不侔矣雖然孟卓豈 既足以給其家而其學又足以裕乎身而及乎人其視 民之念而共為帝臣者乎詩曰梧 周覽奇勝都太平製作之威衣冠文物之富山河城 金丈端朵 桐生矣于彼高岡鳳

亦冲和之 凰鳴矣于彼朝陽吾將候孟卓於黄金之臺朝陽 生きながん とうし 和之所為也然而雨賜之弗若燠寒之愆候則遂失其 必有知吾孟卓者孟卓尚勉之哉 和者有馬人禀陰陽之氣以生四肢百骸運動舉措者 之或間寒暑以之而成序萬物以之而生育盖莫非冲 夫天地之氣運行於亭毒之表綱縕块北木當有 全冲堂記 所為也然六氣之弗 調則陰淫寒疾陽淫 息 暞

欽定四座全書 一 州學録父叔昭有學行以醫濟人尤得時譽康民温純 而人身之和可得而復全也於乎醫之功亦神矣哉姑 所以推明五運六氣之秘察夫陰陽升降之候審其表 和之斧斤而找生之蟊賊也於是不可以無醫醫也者 謹愿克紹其家今天子即位之初有司以其名上京師 蘇劉康民其先世皆業儒兼攻於醫祖啟源當任崑山 裏虚實之證斟酌損益使無過不及之偏然後疾可差 疾風淫末疾雨淫腹疾晦淫惑疾明淫心疾是淫者伐 全义请集

曹取全冲二字為堂名以予交之久來請文為記予 吟愁歎之聲以為竹偷順適之情斯 益脩其業以診夫人之所以傷而保其所以全變其呻 實將見超躋 全冲之大本者乎康民尚勉而行之以求造夫全冲 序天地之和與夫人身之和相為流通者以告之 隸太醫院復以選與扈從凡三至北京而其術益 顯融而禄位之加有不可得而辭者矣 則和之至也又豈 故

俗以近本質而造夫君子之域也嗟夫並坐蠢蠢習為 不于其迹文通之於樸盖幾於道也幾於道者思欲矯 幾於相戾乎予謂善觀人者于其內不于其外于其實 李之法作金碧山水尤精妙似非樸者而以是名齊不 為之記或質於予曰文通性聰敏有巧思善畫用大小 括蒼郭文通作小齊為退休之所而名之曰樸來請文 **像矯偽者孰近於樸乎調詡** 樸齊記 金支清集 訐 計流為漫靡哇望者

欽定四庫全書 生之言誠當也請以是為文通告且書以為樸齋記 於道以近本實則為之樸也固宜於是質者釋然曰先 身者非文通之所以為志者乎夫如是固幾於道矣幾 之域處乎無為之鄉体体乎適適乎涵泳大樸以終其 無鑿無偽無鑿故澹然而自適泊然而自得将乎太素 務於樸乎文通不能以便係矯偽也非全其真數不 以漫靡哇咥也非存其質數夫全真則無偽存質則 環溪堂記

其地勢之平行風氣之翕合田疇彌望竹樹森列雲霞 西江樂其山水園池之美遂徙居之予當歷覽其處觀 文江李捣謙純謹篤厚力學好古自其少時往來淦之 欠こりに 八十方 交而名之曰環溪暇則宴休其中或臨流而釣或掃 而撝謙猶以為未也以其居之左右有桂林明溪二 歌旗唱之互答於是四時之間風雨晦明無不可愛 舒綺結繡錯風泉噴激金鳴王應鳥禽鱗介之翔泳 映此為絕勝之處又欲攬而有之乃作堂于二流 Ħ 金文靖集 <u>季</u>

坐或濯纓而歌或登邱而望侶漁樵而友鷗驚席 環溪為首稱而為謙之意亦甚樂之以為勝也既而 形之夢寐間來京師求予文記之夫常人之情始 就視貴富而遂心其初服者比比皆是為謙既有 避則放情丘壑間若將終身馬及其出而有禄仕 謙膺薦有司宦游於外者幾三十年而環溪之 而枕泉石徜徉夷猶莫不自得由是言西江之 樂於其未仕時及其出而效用 驅馳四方今髮口 /勝往 |勝者 烟

脩 往來環溪之上酣嬉詠歌以樂太平尚當為為謙 星然白矣而猶倦惓於昔者釣游之樂可謂篤厚之君 **異時撝謙遂休致之願予亦得告還鄉幅巾杖屢相** ? 姑為記以俟 美詩曰維桑與梓必恭敬止別有若環溪之勝者乎 所取中庸子思子慎獨之 鍾君王宇司訓于北京順天府庠嘗闢 獨 知處記 こよう 金文靖集 語而榜其室日獨 室為蔵

則 前而善與惡之幾始形於此於是有不可以不致其察 湛然虚明如鑑空衡平固無善惡之可議也及念慮既 無遺縊矣顏子何人尚敢容喙於其間哉辭讓不雅 其微也可以合天人會性命而無所遺方其未動 神明之舍者乎其廣也可以包六合貫古今而無不 相告求一言以申其義予謂慎獨之說子朱子言 将如何亦曰慎其獨而已矣獨者人所不知 聞與自勉者而為之告曰大哉心乎萬理之統 也

欠~1日 man man 於中國已甚於十目所視十手所指者矣是以君子於 形也而幾則已動人固不知也而我獨知之則是昭晰 忽之以為可以欺天問人而不必謹者君子則曰皇皇 獨之當謹而毫釐項刻不可以忽馬者是故目能見矣 有不可得而聞者夫以不可見不可聞之處孰不易而 而謂之隱則有不可得而見者耳能聞矣而謂之 已所獨知之地也所謂莫見乎隱莫顯乎微者此甚言 **我弗欽昭昭靈臺孰敢以欺曰隱曰微迹固未** 金文晴集

而於此尤 養省察者盖非 至而審之精內不欺於己 耳 多好四月至書 體道之深者其何足以與此 E 不越乎敬而已戒慎於不睹不聞者敬也 2 和易節點兢兢然動 又以防之於未然者也鍾君行純志潔强於學問 不敢不致其謹者所以審善惡之幾遇 不睹不聞者既戒謹恐懼以全其本然之 一朝 夕矣嗚呼此君之 タト 循 軌 不 救於人所 雖然君子之 則其於隱微之際謹 所以為獨 以致力於 か以為 謹 知

請書此為記俟他日造室中尚相與共講之 處反而思之從事於敬之一 發而敬者所以遏人欲於將然戒懼則静而敬者 明廣遠之 下平者亦無往而 則動而敬者也推而至於天地位萬物育為恭而 細微者亦敬也未發而敬者所以存天理之本然既 澹癬記)域則所謂賢希聖聖希天者舉不外乎是矣 非敬也鍾君講道之 金文清集 一言孳孳勉勉以求造夫髙 一餘尚於獨知之 也慎

多定匹庫全書 藏脩之室曰澹齊來徵言為記予謂澹之義有所 節州學正傅君子楫以去冬被纂脩之命來京師今年 **亳外慕之心與人交久而能敬不為翕翕熱相倚附** 矣子楫和易樂善不事表樣布衣章帶泊然自處無 沒於庸俗之中奔馳於事為之際欲其澹而安静者鮮 安静未有不澹者矣茍為轇轕於是非動搖其心志泪 澹有所謂澹泊釋者以為皆安静也夫惟澹故安静能 月城事聖天子褒嘉寵錫復命還官將行以所

JE L 者矣若子之言殆非子楫所以為名齊之意也嗚呼為 居室不事乎丹堊衣服不事乎華靡飲食不事乎旨 詞 出 說者又豈足以知子楫者哉夫澹可以養志可以寡 可以體道可以觀萬物之情可以察天地之化怡神 也非有得於澹者能若是哉或曰子楫之所謂澹 不事乎雕琢言語不事乎矯飾是其志固有所 語妄謬周旋進退于于馬舒舒馬綽乎其有 全之清集 Ï

來士大夫間怡怡熙熙無所忤自始至終未當苟且急

一 銀定四庫全書 至矣請以是為記 或者聞之釋然曰先生誠有道之言非體澹之深何足 累榮辱欣戚不足以為其撓若是者非子楫之所志數 吾友胡子琛佐安慶之属邑太湖名其退休之堂曰謹 以與此於是書以遺子揖子楫拜而謝曰子之命我者 於至静之中游心於無為之表得失利害不足以為其 思來請言以為記盖將以自勉而勤於其政也予謂 謹思堂記

|當有以及夫物也上而令長其將賛佐而敬承之乎 謹必至於私欲妄動放情肆意而不知檢宴行瞽蹈而 必有思也而後可以有為然泛思則無益弗思則無成 思行吾之政當有以化其民也夜而寢必思推吾之惠 三思則多感故善思者必致其謹乃為無過若思而不 而簿尉其將寅恭而協和之子一事之不舉必思所 7 所從其不至害道敗德者幾希子琛取是以名堂可 知所本者矣然思之所謂謹者豈徒然哉晨而興必 金丈精集 坌

THE REAL PROPERTY OF THE PARTY OF THE PARTY

报起之一政之不脩必思所以 惟蠹政属民而所謂敗名丧徳者夏基於此矣子琛歸 舉於其職而無忝於替佐撫字之意矣茍惟思之不謹 關於吾民之利病者莫不謹思而力行之如是則 而思之必有得於予言俟他日重來尚有以復我哉是 而營營擾擾汨沒於利誘之私以昧夫天理之公則非 友順樓記 作 與之凡百里之內有 可以

與吾弟文節文篆三人同室而處同爨而食同業而将 士編摩經籍而文範以工書選入館中書成獲被電 年充薦成均則高等適車駕处幸北京開館延文學之 家讀書積學入郡库為博士弟子員屢試於鄉不偶比 吾友張郁尤金田之俊秀者也郁字文範敦茂淳實足 自分宜之峽石距今十有五葉衣冠之美甲于鄉間而 吾鄉去金田可一 命待選吏部一日欵門告於予曰郁不佞昔者家居時 一舍許張氏世居之張故名族其先出 Ì

名至今未稱執事知郁之深幸為我名之且求一言為 退揖讓於斯游息寢處於斯其樂盖油油也而斯棲之 楹縱橫廣家各若干尺佳時眼日吾兄弟三人相與進 誼自始至終未當有毫髮乘件當於所居之傍為樓數 家理生又同事而相成也兄弟怡愉之情手足友爱之 **典之則為之告曰子之兄弟並秀競專克篤倫義相睦** 同心而弗貳同情而莫逆以至朝夕出入服勤任勞治 記無以警郁之不逮而示訓於方来也予聞其言而

往 固 而 為子名之可乎嗚呼天下有至親而不可離有至厚而 而是 自常情觀之豈有至於可離可薄哉奈何天理 こうこことう 同 可薄者莫兄弟者也人之於兄弟分形而同氣異體 好愈久而不替若是非友而順者不能也請以友 欲 易滋一旦略關利害義即疎絕閱墙發於您順 胞由孩提以至于成立其親且厚不啻若膠漆 於門庭化骨肉為仇雠 it. 無他由其不友不順 金文晴集 視同氣為冠敵若此者往 2 所致耳張氏之 治 易微 順

淺哉柳吾聞文範有母年七十 長者稱至于文範兄弟尤飭身謹行克任繼述萃慶美 有處德若文範之先君時美祖安道皆孝友樂善鄉 而 `彬彬乎可謂能盡乎為人兄為人弟者之道矣由是 勤勤懇懇所以致養于其母者未當少衰此尤人之 三世毓和氣于一 及于其家以達于其鄉俾凡為兄弟者咸取則 以風勸鄉黨教戒後昆而裨益於倫誼者豈淺 門友馬而彌篤順馬而益恭雍雍 餘尚康强無恙昆弟之

多定四庫全書

所 惟孝友于兄弟夫子言事親孝故忠可移於君文範 矣是又文範報君之誠而存心於忠孝者也書稱君 得於其親者又如此誠可謂孝友俱至而無忝於其先 スニアー 者矣雖然文範丁方壯之年 /其濟時澤物之心以上報國家養育之厚庶幾無愧 斯世際熙治之運有可為之時尚得一 不能及者觀乎此則其得於兄弟者既如此而 一青雲受要津矣尚益致力於此 7.1. 金之情集 經濟之術其意以 翻其所已至而 命施於有

勝處也有名自者今為北京行部户曹主事當築堂 深州有将氏世家滹沱河之北其地曰五龍塘行沃夷 俟且以告諸來者 其所未及以求無愧於為人子為人臣為人兄之道是 **楹而題之曰思恩客有過而問之曰名堂之義何居自** 曠山水秀麗樹林茂密雲嵐烟霭卷舒朝暮盖其州之 思恩堂記 所望而期子於遠大者如此姑書此 為樓記以

覆育於我而皆弗有所答如之何其弗思也容聞其言 聖明忝有禄位既未能顯揚光大以致孝於吾親又未 烿 而避之今年夏五月友人蕭公伯 然曰夫所以生我而的勞鞠育之勤提挈撫摩之為 礪於學術以底于造就者君上之恩也自幸今遭 凡民登于库序迪之以禮義化之以道徳使之琢磨 関馬以望其成勤勤馬以厚其生者父母之思也 力殚慮以報效於吾君君親之恩如天地之大以 金文精集 辰自深州來為自徵 窆

銀定四庫全書 得而報者其恩大子之於親也雖不可得而報然不 言以為記予謂人有莫大之恩而終身莫之能報者子 無員於君之所以恩我者之厚盡為子之道所以事親 也盡為臣之道所以事君也子道盡而於親無員馬 不盡為子之道以求無員於親之所以恩我者之為臣 於其親臣之於其君者是矣盖非不知為 於君也雖不可得而報然不可不盡為臣之道以 亦豈足以稱其施哉是故可得而報者其恩小不 報 也雖報 可

為 而 忘乎君敬恭於朝夕之 火人 報 とこう 以是復於伯辰并以答卣之請而致其勸勉之意馬是 致其思也是以 盡其思慮之微則所 然者亦曰致吾之思以盡夫天理之當然耳夫惟 親之誠也臣道盡而於君無員馬斯報君之誠也所 有 詑 玷不以隱顯而有 T. 跬步而不敢忘乎親 際致 金文精集 唇性其所 以報吾君親者庶幾在是矣 謹於操履之間不以毫髮 在而莫不戒謹恐懼 食息而不 芝 敢 能

太醫院 之人有 到定四库全書 告數年之間告皆成林 自其祖父至于剛中 時愈人之疾未當有責報之心 赤霞光采禮麗爛 能萬等 杏軒 抱 御醫金剛中世家制之 札蹇疾疾者不之他氏必請金之 時競吐 記 以其術 絈 如 雲 披 根 綵 錦 株 纈 盤 濟人多所全 岡门 一錢塘代 中 欲 固枝葉薈蔚春陽時 如 效昔董奉事第令種 烘 分 以其 砂 活剛中 廬而 點絳雪 請 居

成林後奉竟以仙去其迹誕漫不經故後人間有一 學世有顯著而錢塘實其故業杏林之錦誠非誇 與其出處果信然否數是固不可得而辨已今剛中 霞萬樹燦然可愛而賞者已皆不可復得然則奉之杏 とこうこ 其境則荒煙白露漠然徒見山髙而水深欲求向之紅 以拜今官當從容為予具道其軒之勝且徵文以記之 林之中而顏之曰錦杏既而以選召至京師 聞董奉居廬山治人疾愈不責其報但今種杏歲久 1.1.1 金文请集 隷太醫院

爱又當何如哉姑書此以復剛中以為信然否 為國上醫則其名譽事迹赫然光 余友蕭君迪拍世家淦之象江上距王峽下接眉 者盖霄壤不侔矣雖然錦杏之在軒固為可爱而四時 實之景而及今又得以其術遭遇聖明之世列官于朝 疲癃天闕者皆如杏樹之敷榮暢達不復枯稿 謝 有不可以常得孰若活人之心如春陽之澤物 江ハ 景 詚 題視向之 種杏 ų. 則 其

多近四月全書

2. 17 ... 1.11 記之予謂象江為淦川之勝而八 游泳上下風吮浪 夷曠饒沃居遠近皆竹樹桑麻緣江多蘭並魚雁鬼鷗 瞻王笥羊角諸峰之秀後據百丈均山鶴峯之勝其地 而樂之乃以其景之勝者命為八 時之間凡可以供臨 歌詠而學士曾君子祭既為之序乃復以書來属 以來其景之在象江者若 舶往來蔽虧水光雲影浮動大空而 眺者舉出於獲爲之下蕭君 金文清集 無所增損 景又象江之 題賢士大夫相繼 勝然 自

其樂有不能盡者今蕭君之居象江其於奇勝偉麗盖 而或地之 而其美遂冠於古今象江非有瀟湘洞庭之廣不得吾 亦必得所遭也嗚呼峴山之高不逾於太華得羊叔子 其名遂傳於天下蘭亭之勝不逾於金谷得王右軍 地 君為之據幽發奇又安能 因人而勝者不其信歟雖 所寓非奇勝之區景之所得乏偉麗之觀則 顯著於今日然則柳子所 然天下山水之樂無窮

多定匹庫全書

人為之品題乃始間於今日耶是知山水

極夫奇勝偉麗之觀然後發羣公八景之詩援琴而廣 無有馬宜其撫而樂之而據諸歌詠也如此余年逾 吾家去東梅五里許有龍氏為著姓余自 且 てこうこれ こよい 吾 上攬王山之白雲招金川之 漸進衰老幸他日謝官南還得從蕭君往來於象江 致 知其樂又非 徳隱堂記 余願慕之私云 他人所得而與者姑以是論於蕭君 金文晴集 明 月相與酣嬉觞 弱冠時識龍 キ 酉勺

多定四年全書 君添德脩眉廣額身長而體豐氣宇超邁卓榮不羈鄉 人莫不敬馬已而君謝世又獲與君之子仲齡季脩 而未克属筆比來伯兄季質就省慈聞復以仲 僕兄弟朝夕瞻對每為之惕然興懷今欲託諸文 他隐為堂名山陰仲脩劉先生 為第三大字揭諸 相與道契濶 來今春之三月仲齡過京師訪余寓舍因張燈 不朽且以寓夫孝敬之思子其為我記馬余心 酒再行仲龄作而言曰吾先君存日當 字 出

非 出 然于公家之劇務人事之酬酢 也方龍君當有為之日懷慷慨之志雖未獲顯融於 意為請雖欲無言其能已於懷也君子之生乎世也不 次已习車全書 以推究規畫之間 ,所命天者德之所在違夫德而求合於天者未之有 則處不隱則顯未出而隱也固不以隱為高而顯為 既 獨晚節自持極遲林澗杜門謝客日以教子讀書自 出而顯 也固不以隱為卑而顯為榮出處隱顯 不勞而集暨後故家右族 金文特集 鞠躬盡力 相繼凋 循乎理是 主 惟

也宜夫仲 祐 庸衆人者遠矣雖 謂 誣大抵德雖隱而其應甚顯天雖遠而其 卒得令終此始天之所 者其流長君子脩德以為 審於 微之 不必求乎福而福)際皆天 徳 龄 兄弟 而獲於天者矣揭名斯堂誠 不忘所 理 然 天下之 PIT 存故 自 歸之 以為 自奉奉以先德為念其賢於 其 物其本厚者 君子畏而謹之 報而徳之 必 期 於天而 其積 徴 有 望於 若 理 チ 垂 甚著 高其 將 天 君 可 隱 自

或問於余曰人子之於親可得報乎曰非不可報也欲 孝思孝思維則惟仲齡兄弟其勉之 古之具以備其養謂之奉乎親則可而 子孫者其有窮乎詩曰母念爾祖聿脩厥德又曰永言 報之而有所不能也是故視寒暖之節以適其體治 欠こりにといれ 婉容偷色以将之先意承顏以接之謂之悦乎親 春暉堂記 報乎親則未也立身行道以致於用榮爵厚禄 金文精集 謂報予親 主 則 甘

彦琪溫純孝友恒念其先人殁不待養獨幸其母夫 以貢其身謂之顯乎 金过四月月十 言父母之德愈大而難 所謂 極 得而報者其恩小不可得而 年無恙爱日之誠 而孟東野亦云難 不可得而報者故 不用其情乃築堂而名之曰春暉來 悠然無已而凡 親 則 將寸草心報得三春暉此盖 酬愈厚而不可報 ·1· 可而 雅 謂 2 報 詩 者其恩大子之 報子親 可以奉其親 曰 絘 則未也 報 也豫章李君 之思昊天 甚 親 慰

順 有所 言為記余謂彦琪之取是以名堂者非以著其能孝也 欠已四車全書 哉予言不足為彦琪重姑述夫名堂之義以告于來者 躋顯 融踐華要自致青雲之上則所以報其親者其有窮 **典书彦琪之所志矣彦琪常與予同領江西鄉薦仕為** 泰興學官秩滿陞蘇之儒學教授有文行稱于時行將 以親之德同乎天大而難報所以慊馬於此而常若 力 切馬徽紫於爵禄而曰此足以報吾親之德其亦 不足者彼汲汲馬致奉於口體勤勤馬强勉於承 金文精泉

如龍盤虬攫偃蹇樛曲不可名狀其小者雜然以生 蓄德以承其体當種梅溪上歲久蕃茂大者交柯 華為望於鄉邑者數百年至其裔孫曰惟學甫尤好學 梅 且俾世之欲報其親者不可有自足之心而益加勸勉住災四月之十一 云 以遂 谿在新淦金灘宋氏世居之宋故鉅族詩書閥閱之 梅 彌 谿清隱記 布於水濱籬落之際者九泉也當窮冬冱寒 屈 挺 鐵

月色澄映惟學南方乃幅中杖屢延行徘徊詠歌逍遙 百卉凋謝孤芳獨秀鮮妍髙潔而殘雪初霽溪流淺清 而溪之名遂顧馬厥後惟學甫去世其孫常固以斯 尚因作軒俯臨溪傍名之曰梅谿清隱士大夫相知者 然如入羅浮之境遊西湖之溪一 皆為之作詩以寫其幽逸清曠之懷由是梅之植 欠こりる かかす 通仙於天外揖姑射於雲間芳馨襲人萬籟俱寂 祖所爱者乃益加培殖而不敢廢又懼其歷年之 Ą 金丈特集 時高懷雅致邈不 古四 日盛 忧

或泯而無傳復汲汲馬以其意請為之記於乎士君子 脆 也 固 有取於物者豈徒適性情資玩好而已哉盖将以礪 而世俗之所同好君子有不取馬惟夫梅質堅而 而始德馬耳草木花升之植競芳菲艷春陽非 追想遺愛久而不忘而拳拳馬思有以繼絕於祖 於羣芳既謝之後 花素而不妖香潔而益清挺立於歲寒凍五之 好尚可謂 超 非 軼 凡 正 情 人君子不足以娩之若惟 他於君子者矣今常 際 不美 獨 不

其志固有足嘉者然予尚有告馬夫仕之與處其趨 次定四草全書 力效用之時繼今以往益思所以濯磨淬礪卓然自立 而隱之與顯其迹殊常固以經 乃祖之所行以期建功立事為梅谿之光底幾兹軒 不為天治以徇俗不為靡麗以矜時志乃祖之所志脩 文 江之西 静深堂記 無窮而於乃祖亦重有榮耀矣是為記 舍許為富溪其地行遊饒沃喬林嘉 金文精集 桁發身任職民牧正 蓋

朝夕室屋旅断而望之歸 冉陰翳連峯疊獻含滋毓翠清流碧湍環抱逶迤雲烟 若干世至 託之文字則不足以傳遠示後乃遣其孫積 因其字伯 為静深之堂也蕭故大家其先自 淵 泉之義其筋躬裕後之意可謂 迪希用 伯 湖透以静深為其堂之 仰瞻遺訓益篤不忘而希迪 淵 南尤植德一 然出於溪南之上 不倦 撫 扁盖取 世 切矣伯 劑州 西昌徙居於 物 朱夫子中 慨 一者則蕭 鯞 訓走京 然 淵 於厚當 火人 即 此者 為 世 非

善積于此而慶流于彼此自然之理也被積之不至培 先於積累而德善者其本也易曰積善之家必有餘慶 属余丈為記余謂君子之所以承其先以貽諸後者莫 朝 今夫水之積為淵泉泓渟澹對撓之而不溷出之而 養之無素忽馬而赫変俄馬而銷歌者以無其本故 欠戶刀車全對 禮義為根柢自伯 者其本之厚也溝瀆沼江之聚蹄浴蟻垤之積不 枯竭無餘者其本之不厚也蕭氏以德善為藩屏 涓 甫以至于今父祖子孫彬彬 金文靖集

臘 澤及于久遠者其可涯沒哉詩曰子子孫孫勿替引之 田 出 是而益務于敦德為善以培其本以濟其源 イ白 圂 之資有餘混混乎其益厚源 敦本務實油然樂易之心入孝出弟萬子和順 以享其安利而沾被於慶澤者豈無自而 曰德厚者流澤廣德薄者流澤甲 淵 E 饒乎生息門第益致於蕃盛公上之供 甫 所為名堂以期 於將來者其寓意亦深 源乎其益深百年之 使蕭氏後之 然哉於 則其 不 之 矣 缺 間

気でる

11.11

又曰以似以續續古之人請誦此以為希迪告且以為 楊李舊有陸宣公祠歷有唐宋元廢興送徒不! 静深堂記 重建陸宣公祠堂記 國

收定四車全書

金文晴集

承上命巡撫吳制諸

郡

鋤奸植良政行化治慨

址

且以公十六世孫應奇守其祠歲久風雨

治民有力者侵奪其地乃宣德二年大理

卿

胡元節

頹

地因循

洪武初郡守劉澤民重建於城內寔元江南書院之故

德宗有四人之所助在乎信信之 士人者耄瞻望嗟咨咸請書其事于石而 郡 輪與周垣崇崇環以林木 父巴方 告落成馬遺象有嚴登降有禮數年之廢一日 誠而廟食未稱寔為缺典遂購材鳩工復飲侵 人王愷之董其後祀事有堂燕處有室門無庖 事君之大者其要不出于一 乃來京師 1; ; j.,... 求予記之予當讀唐史而得公之 胡君于是率其郡之僚属 所在由乎誠 而已觀公之進言於 郡 教授張 PÍT 庫 而 地 火人 萬 舉 立

鎮跋扈鑾與描遷宗社幾覆賴公密謀賛襄再造有邦 言若此豈非得夫聖賢誠身之學者哉當有唐中葉藩 之無以成開國之務人臣舍之無以盡臣輔之道公之 烈之策不用再陳制李懷光之計不行而陳論愈力富 而公之忠誠切至不以夷險易節一論討河北破李希 則心莫之保一不信則言莫之行又曰誠信之道不可 火色日日 白馬 恭忌之于前裴延龄沮之於後而自守益 固非誠而能 須去身夫誠者聖賢之所以成始成終者也人君舍 金文晴县 ギハ

而其忠誠 也 月 手 子從守奉天所 争光 雖武人悍 殁 既嘉 起 唐 於 貶 祚 邦 可 所 胡君之 不 2 也 瞻仰之 所感奏議之所 豈 競 卒聞之無不 則 今 徳宗以猜 ョド 天哉 F 能敬崇先哲 日 詔書 祠 越爾臣子忠君之義 事之 雖 卷八 皆公 感 防信 쇘 復于公固 存垂之天 激 ム 雖 讒之君用 思奮非 視 草 廢墜之政 不盡究其蘊 痛 不足 下後世 自 誠 引 不 则 克終而 2 為 凶 遇 不 為 重 雖 於當 所 曲 盡 與 無 輕 推 時 情 而 玑 E

钦至四車全書 新淦玉峽靈安寺者僧彌勒之所重建也寺自唐宋來 後人謁公之祠者讀之得有所勸馬 嗣道成克揚宗風 檢張子昂鄉之者宿李子雅 自永豐之靈泉寺住持於此以興起其墜緒寔王峽巡 已有之迨元末而廢惟觀音閣存洪武丙子僧道成始 平立身事君之大者以明公之心于数百載之上且 重建靈安寺記 **** 顧舊此局于地勢位置弗合毅然 金文晴集 相與製疏迎致之也彌 £

撤 髙 劉 矗乎其後誠天造地 都 與復為已任 榛 **丈室庫庾庖温之廬莫不畢備經始於永樂十五** 督金剛 殿右為 闢 文 四尋有奇深廣倍之殿之後為法堂為毘盧閣 土壤 仲 楊貴敬寔捐是山 地藏十王殿其前則鐘鼓 出衣盂之資勘導衆力市 諸峯舒奇獻秀環 乃距其寺二里許得勝 設之 佳境 **俾之以成其志** 列 左右石牛衛蛇蜒奔 也而 鄉之樂施之 地 有 材鳩工首創 樓門無有序 於今四 彌 Ŀ 乃夷 櫥 士 臺 年 佛 左 為 荆 曰

住山水而王峽王笥其雄勝奇偉又為江右最但往往為 7. 1. ... h.l. 多才智動力之輩而豐家巨族有輕財樂施之士以相 道流釋子之官所據雖其為教易以動人亦為其徒者 彤照耀林壑偉制宏模人天具瞻猗歟威矣惟吾淦多 义 深省堅公舊居百華寺特迎致于靈安晨昏奉養備至 之也且吾聞彌玉為人精脩苦行孝敬而善學其師 不以其能自足間師天寧都綱新公復古講其禪宗 八月落成于宣德年月寶相王毫輝映霄漢金碧聚 金文请集

訪靈安以 逐近之巨觀 彌 少肯而又能甘勤苦淡薄以成多定匹库全書 题 卷 石而邑人李萬點復捐金為之 示其後之嗣守者復以識予之私云 雖 王間來京師求予文記其與造始末之故欲歸 歸 慨 佳 田 别墅記 徜徉暮景之樂盖素志也遂喜而為之 山水為彌玉所 他日幸謝事南歸窮登覽之勝時從玉 有然愛其能開 助予家距王峽不 此勝利其可謂 創 是山以 難也 記 荪 為 舍 峽 己

宣徳戊申之夏福建左祭政永嘉楊公景衡引年致 為 復退休于此將築室以為燕逸之所而名之曰歸 乃臨行以告予曰吾所居即古東甌山水之與區今幸 とこりほという 致而数踐中外幾四十年至是始克謝事而去盖四方 墅子幸為我記之予謂墅者田廬也古者田中有廬以 以少壯 耕者之所憩息後世大家鉅族往往 為陂池亭榭以為游 儿出仕南 11 馳 馬區 金文晴集 更思多故夷險憂樂終始 觀 臨眺之 所謂之别墅若公 即山林幽絕 田

/志倦 其 孫賓客朝 息其圖史琴尊之具足以 **壑泉石之美足以資玩賞其池** 以总乎君公念生平之出處荷 公之志縣可知矣然古之君子居畎畝之 間 矣其所以倦倦於是者不過欲託 斯 別墅之所以 则 别墅之 夕相與登山臨 勝 作也 而 歟吾意公之去此 公之 娛 水 ت 所以 絃 目而又 歌 舘 累朝之恩遇慕戀感 賦詩 軒 為志者盖 檻 有騷 之適足 以逍遙暢 此 間 而休 レ人 為終 如 以備 飯 此 韻 也 其 雖

金灯口

是復於公公以為如何是為記 盖亦庶幾不忘其所自祁公於此亦豈能自止也姑以 激思所以詠歌太平鋪張鴻猷以報聖天子生成之德 淦人李宗祚以其二親之沒久而思之不忘當揭其堂 其為人剛方嚴毅不尚詣於俗布衣疏食泊如也奉 與先少保雪屋學士實為忘年交予自童卯時已識之 次是四年全書 楣曰水慕間以其情求為之記宗祚之尊府彦澄公 永慕堂記 金文靖集

体致于家年七十六而殁既而宗祚 患難富贵利達未有不異其思者能不以是而異其思 性 حسك 每 "戍遠方寒暑瘴腐艱苦萬狀日思其親無須臾而 之後終天之痛其思宜 也子於父母親親之至一跬步而 者 極孝親殁哀毀不勝纍然衰經三載如 撰興寧知縣慈祥豈弟有及人之惠居數載以老 以與懷輕泣下霑襟聞者為之感動嗚呼孝弟天 何 女口 也然人之情一經貧窮 不 不幸嬰禍 敢忘者况 Ą 其 難 於既 舉 後以 休

1:11

言遂記之 次足四軍全書 有 里生還克復舊業存宗祀於板蕩之餘此非天道神 愈久而益切愈遠而不忘者可不謂之孝子哉宗祚 祚之風者庶亦知所 外未當以失意而忘其親此人情所最難者卒之萬 服公之訓敦于孝道故雖贈 以黙相之者乎若公者可以 具慶堂記 如此用以告其後之人且調于鄉里伊聞宗 i g 鞋力 勉云 金文特集 瞪親虞之際炎荒瘴徼 瞑目泉下矣因宗祚求 金 自

冰 雖 具慶堂者新淦横溪 有餘慶夫慶莫大乎親之存世有父存而母不 相 親之堂所為名數 皆為慶而不足為具慶獨 朋頁 奉親之堂盖又有超乎具慶之外矣 友爱無或問言盖無我詩所謂 之嚴侍有母存而父見背者謂之慈侍嚴侍慈侍 父母孟 軻所 何祐奉 謂 祐不 父母俱存兄弟無故 獨父母俱存而其兄弟四人 親之堂 父母俱存者為具慶此 兄弟 2 易 既翕 謂 曰 訓 積 樂 由善積 善 和 也 樂 待 然 且 祐

J.

以達遼海轉而之乎京師周覽奇勝充然若有所得而 次已习事心事 四 歸分行以其具慶之堂未有為之記者属其內朔吳主 此其積善之可見者是以能致具慶之福而有子如祐 好於醫務以澤物為心而凡有求之者施之未嘗責報 而致然數祐之父士端敬賢尚義教諸子以學而自為 於已以為家慶之本而施及後之人以繼承於無窮馬 事楊來請文於予予屢辭不獲因為之書使其益務善 兄弟之賢者馬祐自少志氣不羣當自江涉淮歷齊魯 金丈精集 盆

是為記 者為難 而達於事當以其父早殁獨母氏年七十餘在堂不得 **承陳光振世居廣之肇慶其為人** 供養以盡子職恒蹙然于懷毎翹首嶺表未嘗不咨嗟 人义豈皆能思而不忘其親耶 君子之於其親未有不思者不思者豈人情哉然世之 金安口及人 思親堂記 而思之不忘者所以為尤難也吾新淦王峽 惟其有不思是以思之 謙恭而習於禮敏給

次足四軍全書 其養為燻敗光振蚤受嚴父不逮於養幸賴母存 已予不能以終拒 也則為之告曰古人以行役之勞念 少盡菽水之歡而又以宦游不得遂其志此所 有白雲親舍之想所以然者豈非以曠缺定省不得致 歎而繼之以泣 也士大夫間者為作詩以據其悲遂 與名其退休之署曰思親之堂屢以其意丐予為記 親者則有防帖防此之悲以宦游之遠念其親者 有以答之今年夏來考滿京師復温前請至再三不 金文靖集

期 超 思慕而不能置者 人臣子之道以無負君親天地之大恩 出於常情萬萬矣予以遠大望光振光振 岩 且大者而過過衣服飲食之奉 其思無徒區區溺於常情孺慕之 親 何而忠君報國若何而 以盡 側其志不樂者何哉豈非以人子 其務孝之實數光 欺雖然告人有子在京 綇 1振於此尚 親 依依庭 揚名必求所以盡 则其所 闡孺慕 思以遠大 所存當志其 師其志樂 亦當 レノ 為思 2 ンノ 自

己之當然非有求於人而勉强為之者若吾建安楊 古之君子脩德為善恒不求人之知而責其報益以為 顯榮其親者又烏可量哉姑為記以俟 杏歳嘗歉鄉人饑甚公私自歎曰吾有粟而不以散 火己の巨山島 間 居龍潭之山語人曰若等能為我植木吾酬之以栗聞 如殆其人者 敷公為人忠信篤厚敦德好善施于 非仁人也將謀發栗以販之而又懼有其名乃指所 萬木圖記 金文晴集

暢茂久之鬱然林立而干霄可以為 者旨競趨之其植與否公亦弗之 計 廬 可禦人咸以為公徳善積久之應其見於生物之 以自利 前蘖者至是復發榮滋長沛然若前日 及死者之棺柳濟涉者之舟梁則悉以施之而 以是惠利之及於人者甚廣公及後二十 然而已哉益将以為公子孫蕃行威大之徵 也我之曰慎守之母伐惟民居學宫仙釋 較 材公懼其子孫 也不數年木繁彩 之暢茂而 餘年山木 城者 亦 將

金安里人人

愛之餘圖不復存而公之孫右春坊右庶子無翰林侍 以示予不鄙謂予記之於乎人之 圖萬木以寫其思且以告其後之人既裝潢成卷而持 次正可早上 講榮懼其久而無聞也復命中書舍人毘陵王孟端 存日元左丞阮徳柔當為公寫萬木圖以傳播于時兵 於人者甚至於乎此豈誠於為善者哉若公以布 跨翻旦暮汲汲馬恒恐其不見稱於人又且期望青 已固無與於人也而世之人往往好名要譽務為於 金文靖集 行莫大於為善善有 主

斯 庶子之用心不亦勤且至哉予竊慕公之為人 鄉 圖之作 乃惴惴馬益自韜晦恨其迹以逃其名未當求人 敦徳 而責其報馬方於古之篇行君子又 獲報於天而敷遺於後者 里恬澹冲退不事表樣自少壯至老勤 計 力善為務而其惠之施於人及於 所以傳於永久以啓迪楊氏之後 使他人有此其為矜脏誇張 如 此 其威且大也然 不知 何多讓哉宜 物 人者 者益 勤懇 何 不 而 可

火色口戶全售 图 抱 左挹楓岡之秀右桃大江之流雲嵐蒼翠山光水影 之士所居有佳樹茂林清泉白石前睇大秀玉笥諸 民聚處者凡數百家而孫氏為最盛孫故望族多衣冠 新 為之言并書以為記 勸鄉里且以底子之克承其家而不違夫公之志故樂 一時帶宛然在門庭几席之下而吾孟脩之居尤占其 淦沂流而上可半舍許曰沂江江之上行追脩曠其 **暎雪齋記** 金文靖集 文

且 哲之道芳而有志於學嘗闢一齊為藏脩之所而名之 勝馬孟脩資質秀與肖襟洒落好讀書為歌詩孳孳不 金与以及人工 告曰夫雪之為物極天下之至潔而無以加極天 自 暎雪益欲憤悱自勵以求分寸之益幸賜一言為 レソ 前年來北京袖其所作數十首相示余讀之且賞 與往來談論者累日 南 示 來 教馬余即 相見之頃又以其齊記為請余不獲辭 許諾未有以答之今年秋七月孟 間 ,請於余曰孟脩不倭竊慕先

欠已习事全 者為徒而避乎太素之表矣然則孟脩名齊之意而 是延攬光景窺閱簡編含英咀華探贖藴與會至理 居是齊也正襟危坐凝神定慮四壁洞 籍俱寂日 晃晃以就 之至白而無以過者當嚴冬之際錮陰冱寒同雲萬 於联雪者殆以此 心契沖漠於無联極乎高明超馬自得益將與造 色霰淅 恐以先集雪繽 少月輝 歟 雖 金文靖集 然孟脩之為學豈徒然而 輝而向夜吾想夫孟脩 紛而交下溪流無聲 徹的然虛白 完 幼

其 然 哉去其昏則 景行 求之俟予他 脩 內 女口 女口 之志 絈 是 雪之白 猗蘭白雪之 其 先哲者庶亦可企而 则 而 名 所學者益為所得者益密所造請 而 而 必堪然如雪之紫而不汙 亦 非 B 不愛砥其操 不究其實致其遠而 操吾 予之 謁告南還造映雪之)所以望 知孟脩 火人 及矣若徒鶩其外 厲 於孟 其行持其志以 脩 不由其近 濯其垢 者 起予者又 也孟脩 祁目 者 與接 益 此 而 則 琴 養 尚 深 則 不 必 ЯE 赋 歸 非

學馬其為人英邁題敬善記誦為經義有法則每属筆 先大夫諭徳司訓臨江郡庠時有杜士賓者嘗從将而 伸紙軟先就未當有窘束艱澁之狀時郡守王敬仲方 日之比矣姑書此以俟 以興學為已任每見士賓必加獎勘先大夫於諸生中 期之以遠大也居無何士廣遇疾竟實志以及聞者英 許可獨異目視士賞盖将進之於成德達材之地 ī 永思堂記 金文晴集 尘 而

一 多定四庫全書 ·業春秋奮然以科第自期今天子即位之明年改元永 無憾矣士賔卒後果生子觀自孩提為成童敏慧過人 姬幸而有子善撫育之伴克成人以繼吾之志雖死且 不嗟悼之方士實及時未有子顧其兄士昂曰吾婦已 志也比弱冠觀以士却之命復入郡库為博士弟子員 樂其秋觀以第四人魁薦鄉闡明年上春官登七榜授 其鄉里族姻莫不慶士窩有後而謂觀必能繼士窩之 山東濟陽縣教諭觀恒以不得識其父為終身之憾賴

里之遠而念母之心拳拳不真乃極力迎致以養馬已 也故允可以報其母者無所不盡其情雖以山東去鄉 其母辛勤鞠育底于成立以為見其母循見其父之存 其母之不見帳帳馬質質馬若欲求之而不可得者此 而母沒觀悲不自勝苟可以致力於襄事者又靡不盡 其誠敬每與人言軟嗚咽流涕既傷其父之早世又念 永思之不忘所以託於名堂以自見也嗚呼人莫不有 欠二丁int Little 親也獨觀不幸而未識其父當其時雖賴母以生而 金文晴集 尘

成與否有未可必觀乃能 名為書無負於乃父之所望且又得禄為母養以壽者 終自他人觀之若可以無憾矣而觀猶日夜悲念其親 愈久而情愈切愈逐而思愈深非純孝篤至者能若是 期望之意云 廣其思立身揚 雖然觀以方壯之年 間以其情相告復丐予一言遂書此為記 名以 顯 其親則所以為孝者不既 强於問學由是而益致其力 刻苦自奮卒由库序發身登 且 ンス 益

異馬若夫天下至清之物可賞可玩决不致於招怨實 美凡有以悦心志娱耳目者皆是也然而好之以為玩 天下之物可玩者非一若金玉綺繡之珍聲音采色之 小者致怨大者賈福甚者至於滅身此無他清濁之玩 生篤志於翰墨圖書公退之暇 Print like 人蕭公伯辰官将四方幾三十年落然無所皆好 使人終身玩之不厭而得其樂者其惟翰墨之事乎 墨林清玩記 金文晴县 軓 操觚染翰赋詩酌

得其所 題 多定四母全書 者多矣所謂金玉綺繡聲音承色之属皆聚人所酷好 好於翰墨 為玩之至美而至貴者也公不同衆人之所 之日墨 政來京師間求當時士大夫名公能書者輯為一卷 其樂未嘗汲汲汨 而無厭者矣雖然人之所 以為樂者誠可謂極天下之清而無害極天下 [林清玩属予言以識之嗟乎天下之物可玩 非 惟嗜而好之又能因是以怡情養性而 泂 而 有 好要不可沒溺 所不足馬今年夏公以 欲而 獨

古之士所以不免於撫心嘔血複壁走舸之譏者盖以 沈度民則中書舍人許翰鳴鶴朱寅孔楊沈祭民望朱 壞不侔矣卷中所書若翰林侍講曾祭子啟翰林脩誤 次已四事全書 言者故特書公之志有足尚者以識夫歲月俟公他 偏之癖凡世之可玩而經於目者付之一賞而足矣 耳若公有民社之寄出而臨民施政以盡其職入 旋於文墨以樂其志視彼之汨沒終身而不悟者霄 庭暉前浮梁丞陳登思孝皆擅名於一時有不俟予 金文特集 而

當時人物之盛與夫平生交遊之美豈不重停雲之思 者益若干世矣予将鄉枝時當識伯原父又當識其子 新淦之官洲黄氏為山谷先生之後自雙井來居于淦 其家表表鄉問間以隐為高因所居號曰村樂属姻 而 公器父子一門衣冠于于雅有風致南既歿公器克 有無窮之感者子 体林下與賓客故人酣 村樂記 歌賦詠時展而玩之以想

愛可賞可玩可歌可詠者無一不出乎履舄之下宜乎 朝 魚鳥鳥醫将泳翔集農耕婦織密頭而相聞樵歌 徑杳察静坐竹樹陰翳泉石疏滌菱荷蘭芷郁郁 面皆平村迎野行沃夷曠山遠而秀川涵而清園池巷 趙君公復來徴文為記予當一至官洲見公器之居四 霧靄之相滋寒暑晦明之變化四時景物之奇可喜可 公器撫之而得其樂樂之而久且不厭也 呼而暮應風炕出於林端棹驅發於户外與夫雲霞 THE RESERVE TO SERVE THE PARTY OF THE PARTY 雖然人 野唱

沙定四草全島

金文靖集

和 器 P 樂果何從而得哉是盖天之 歌黄 木也至若時和歲登年穀豐阜公器與其村之 居村之樂而不知公器之居于家者有父子兄弟 酬之適以樂其性情然 以樂于其身有詩書琴瑟之美以樂于其心有 載之威福也惜予不得與公器樂之幸他日來歸 衣婆娑嬉遊含哨鼓 鷄白 酒 相 雚力 相 酬 無然陶 腹和康衛之謠誦 抃 所 舞於青天白日之 錫聖上之 陶然益無不得者然)所賜 日 出 而 人幅 觞 Ц 此 詠 其

人と言

授六品官因家北京城東門之左當闢地構堂一楹不 置于壁間以俟 樂又將推以與予夫豈黃氏所得而專哉姑書此為記 屋滄洲之上共尋村中之樂與公器為鄰吾知村中之 次三日五十二十二 已丑春余扈蹕來北京賜第禁城東客頭余氏其仲 余氏故江右令族其先自饒陽徙成都至成德以武功 不丹漆惟置圖書尊组其中以為燕休之樂永樂 樂堂記 金文特集 盆

馬居室服食子女之美可樂也富人有馬至若天下 而未者查子之昆弟聯芳競與而相友帰非孟軻氏所 金分正人 台灣 可樂也山海出馬錦繡寶貨之産可樂也商賈通馬輿 名敢 可樂者非 久則余氏世世受惠庸有既哉予乃告之曰天下 樂者子請以是名之信謝曰先生既不鄙夷而賜 日奉父命來徵堂名予告之日子之親年方强壮 八祈一 言以為斯堂之記無以昭示将來而傳之 一而皆可以力致之是故珠璣金王之貴

艾朱顏鶴髮煇映於一堂之上昆弟輯睦鴈行後先佳 钦定四軍全書人 争凌暴之不作和氣滿堂熈然如春怡怡馬愉愉馬有 時吉日服菜氏之衣誦華夢之章吉甘定省之不違垂 平四方無關爭金草之聲一門之內二親康强壽考未 己又能昭其所以樂者以傳諸後則余氏父子之賢不 於天而非人力勉强可以倖而致也樂出於天而得於 能樂其樂於今日又將使後之人慕其賢而知其所 知人世之樂可以代此者是豈偶然之故我盖有得 金文靖集

淦之下将三十里有謝氏 哉姑以是復於成德遂書以為記 濟其美獲於天者既厚則所以垂裕於後昆者証 樂夫天者然也於乎人孰無父母無兄弟也而百 內其盛衰欣威死生存之可感者何限豈能皆 必其俱存而無故者哉余氏世篤慶烈父作子述 梅雪齊 彬輩出而辱交於予者先後相望予至北 詚 劉氏何氏皆名族文雅俊 京 有 如所 箴

欽定四庫全書 為英華結而為果實皆足以悦人心目 記 置圖書琴册其中左右環植以梅四時之間惟雪最宜 吾家世居苔洲 獨梅之於羣开中又若有異者馬是故不樂於春 心又酷 雨 且以自弱馬予惟 年有何氏名准潤者自齊魯而來既相見揖而請 露以濡之風霜以収 好之因以 洲之上坐閒夷曠多住山水當構 梅雪顏其齊之楣敢马一言為 物之植於天地 美文靖兵 鮫 Z 故其前而為勇持發而 間莫非春陽以 而 致人之好尚 坌 则

梅 則 實於秋不凋瘁於冬而清姿勁質適有類子雅操之 於厚地與六出而争奇准潤焚香静坐歌白雪之 猗蘭之曲 其可好又宜不在于衆人而在于士君子也淮 推折黄雲在空密雪交下天宇無塵上下 雪名齊可謂好之得其宜者矣予想夫隆冬冱寒萬 梅而找之為梅為雪 然益清而潔梅粲粲而始 神 Company of the company of the contract of the 清 氣 和萬慮俱息抑 也雖然君子之有取於 花香霏霏而在 不知梅 之為雪雪之 樹 一色齊居 回 章 孤根 潤

哉 於道非徒嗜好之而已也准潤勵志脩行不撓於物欲 徒然而己哉若淵明之於翦周子之於蓮六逸之於竹 廣平之於梅皆以其有堅貞孤直之操可以比德以 次足四年全 廖氏為章貢望族其居之邑曰興國鄉曰衣錦在宋時 梅雪而無本於是齊之名矣淮潤勉之尚有以復我 行於塵濁景慕先拍以成其他以進於道無幾無愧 **鹿泉書舍記** 金文精集 淮

無泉書舍聚宗族鄉黨之子弟而 有諱某者為大學生後登顯 金以と 姐豆之智 年 夕紅誦之聲洋洋子盈耳厥後嗣續益蕃以風衣別 至均 紀蔡李通之學累世相承 予以扈從留寓北京而辱與均鄉以鄉 曰 卿 復以其 詩書仁義之澤藹 均鄉上世所建書舍未有記馬一言以記之 桁 甩 知于 卷八 仕 朝 㬎 如也而其中葉尤攻於 洎 於江 得膺靈臺之任永樂 歸老於家捐 訓之 右陰陽家皆師宗 雨雪之朝燈 故 相 往 私 選 财 間 火 椒

钦定四車全書 所積之富固未可量而其涵泳聖涯嚅齊道味以昭前 若手未觸之識者亦此此有馬是可數也今廖氏書舍 理醫藥卜筮律官小說之類名雖不同而總謂之書然 余謂自三皇五帝以降載之方册若經史諸子天文地 聞 凡於此又豈有一之不備哉然或有束而不觀以來新 為用馬子當觀夫古人藏書之多至於汗牛充棟 經以載道史以記事至於百家之書人亦莫不資之 而淑後看者亦必有所在若其能博涉地理陰陽 金文特集 則

深故冀州 尋常摘句占畢竟日至於終其身不得 書超取名位以克大其家聲斯可謂盛矣視世之儒者 生にメビ 徙 為名唐天寶初改深為饒陽郡已復為州後又以 居陸澤五代因之宋熙寧間復徒静安即今之 饒陽縣復改置博陵郡隋始置深州取州 此書舍所以久存而不壞也均卿尚弱之是為記 深 外り 之域七國為趙地秦置郡二為上谷鉅鹿漢 景記 命者誠有間 西故深池 其

是也永樂八年友人蕭公伯辰來理其州州之地早 少足口草全事 也遂進諸父老而謀之衆皆大悦公即日 之宜以圖之於是去州可三十里曰吳莊廣哀真境周 四面皆繚以深池每雨潦驟至軟汗漫泛溢至入州 永樂十年七月十又六日告其州之人而遷馬凡州 未有能計慮為久安之謀者公始至乃徧歷其州 迎翕聚宜為州以居民且道里甚近便於遷徙而不勞 公宇蕩毀民舍彌旬月弗解民甚患之而前守皆因循 金文時具 疏 百 聞于朝以

者有 泉石之勝燕賞将觀之美非幽人逸士不足以專之茍 暮靄滹沱春漲無蔓夕照房淵飛煎鎮水歸 與其僚友賓客登臨寄眺於山水之間因取其景之勝 金豆豆 居官無順劇之慮民無勞苦之思公乃得以其暇 私口 所經畫纖毫之費不以干於民由是政協人和咸 事解字以及夫子之學官與夫山川社稷之壇境皆 而詠歌馬問為予道其事且命為之記予謂 八而名之曰吳莊新市博陵舊治來鹿晴嵐凌消 ATTE 鴻遂 山水 相與 適 E

從 是 钦定四庫全書 水之奇勝古人之陳迹亦可謂紫且幸矣若公之莅於 無窮超馬自得顧其所遇又有過於予者豈非柳 及而又勢之有不得為者也獨予居北京數年以來幸 為爵禄所糜非其志有所不暇 属車之後巡歷郊甸排 ,乾易水之深訪黄金之臺吊涿鹿之野其厭飲於 州其職業異於子官守異於子而乃能遐觀 撫秀據幽發粹結藻思於烟霞吐奇葩於雲漢浩 金文靖集 何登覧仰居庸西山之 則其迹之有所 Ğ 物外 髙俯 不 子 能

而 吾鄉之金灘山水清麗林木秀茂良田沃壤遠近櫛 公之所以及夫民者固未易遽至也因公請記其八 公之風欲繼其迹以追夫勝遊之美則非有公之志 斯文之幸或因是亦得以貼諸久遠也 理達事成而得夫萬明将息之道者歟雖然後有 全難而居者無慮數十姓其族有劉氏温氏相與皆 公為治之縣與其選州之大略俾來者有所考徵 貞節堂記 rt

時有允恭甫尤豪邁磊落著聲鄉問允恭有子一人曰 成立於是孺人益臻于康强而年且六十矣彦登作堂 同海今鄉貢進士彦登之先人也同海之配龍孺人年 次定司車全事 自誓問關劬瘁躬紡績以給其家勤勤馬教其子底于 十七來歸事舅姑極于孝敬允恭甫既沒而同海亦 以奉母名之曰貞節所以昭母之志而崇孝養也縉紳 辦温自宋元以來衣冠相承子孫之盛盖彬彬馬近 以逝維時彦登幾十歲其弟彦博総五歲孺人守節 金丈晴矣 互 相

節義之在人天爵之至貴者也然保而勿失士君子尤 大夫既為詩以歌詠之以予鄉人復來徵言為記 或難之况欲責之於婦人女子哉今觀孺人所守自 日 一其操 之不可犯皎皎乎如氷壺玉鑑之無玷誠無愧 而 非 以至于今三十有餘年矣始終之際未常有毫髮虧 不可奪夫貞則處變而不失乎 志於貞節者能之乎易曰恒其德貞吉傳曰臨 :斯皆女婦 所難能者而孺人赫赫乎如秋霜 正節則守志而 八於手

次足刀車公島 髙邁絕俗有氣節不肯翕翕然 永樂辛丑夏四月子始識廬陵彭敷哲於京師其為 風 俗 婦為人母者之道矣雖然孺人之貞節豈惟著之 推 他日觀民風者有所採取馬 有賢子為之顯揚故不辭而記之俾昭示將來且 其有不厚者哉予深嘉孺人志操之美而又喜 省庵 而達之於鄉黨州間使凡為女婦者咸取則於 記 金文特集 相附倚與世浮沉通 孺 斯 經

惜予不足以知之不足以言之也雖然予當聞之在易 之震口君子以恐懼修省在書之無逸曰嚴恭寅畏 日至矣哉子之所以名其庵也是可無一言以為告哉 自弱而進於道馬先生幸賜一言以相其志予聞而歎 期 馬以為若敷拍者誠無愧於儒者之道矣一 學古充充乎其有得而沛乎其應之無窮也予甚敬 於寡過乃取省字揭諸室間而名之曰省庵益將 不佞無過人之長竊當景慕先拍思日反 日來請 躬自省

金三人口压

ATT THE

偽將 夫人之生也自屋 詩 欠己口戶心島 而 事之衆何 PST **坐獨之際而** 未發則省以存之 护 我者其能保而勿失哉是故君子之於其心也 雜之一息之不省則 以致省於其身者亦未有 曰尚不愧於屋漏古之君子未有舍此而 一而 謹之 漏 非天命之所 於 動而 以至於户庭之外自 金文精集 日用常行之 将萌則省以察之檢之 私 欲 將間之若是則天之 出於此数者之外也今 在苟一念之不省 間所以正心修 一身以及乎 於平 為 則

掝 郡 自 而盡人道者在此 裁成 警乎因以是告於敷指且書以為省庵 馬以求內省之弗疾視 其賢於人也逐矣子恭職禁林日倪馬弗建方且 馬不敢少自服逸思欲致其力以造乎萬明廣遠 脩之要其有大於省者乎今敷拍以文學發身師 學為志属行務勤修省然摘以為未足而兢兢高栗 輔相春天地而賛化育者亦在於此 所以克已復禮而存天理者在 敷拍之力於自治寧不重有 纵 則 君子 此 表 所

飲定四車全書 實司官府漕運以暨商買舟船之役而國家建都 務無乃失於一偏乎仲寬之意予有以知之矣益其職 相濟而後設施舉措皆不失其當馬今仲寬專以寬為 宜然太寬則必至於縱太猛則必至於殘苛二者固常 來請文為記夫寬者猛之對也為政之道貴於寬猛得 **廬陵宋仲寬以才薦仕為淮安滿浦壩官嘗築一室於** 公署之偏而題之曰寬所間來京師属侍讀李君時勉 寬所記 金文靖集

自責 猛乎惜夫仲 民 游 能 寬 望 使 而 安為水道之衝凡 暇 袼 其人樂於超事而 撫 隸其役者皆准甸之民夙夜勤勞以供所事苟 浦 知勞而事易以集者 2 鞭 不 則未免涉於驅 煩不亟承上馭 示辱者皆為政之寬者以 寬位秋甲下 四方舟楫 不至於怨咨哉仲寬之居此 迫束縛而不得其情矣 非得之於寬乎昔人有 獨未得大用於時以展其 下無稽緩之責有疏通 往來綿亘聯絡遠近 取 交力 也豈必在 2 閉 又 安 偠 利 非

社之託其於為治之道他日尚有足徴馬 事之才耳雖然仲寬報政天官行將登于顯融以有民 予外弟衣孟卓當命善畫者寫衣安卧雪圖裝潢成卷 钦定四車全書 歷官至河南尹遷司空復改司徒其後四世皆居三公 大雪洛陽令訪之安閉門僵卧不出令為除雪入户見 安曰今大雪人多凍餒豈宜干人即令賢之舉孝蔗 以求予記按史安字劭公少甚貧其居洛陽當值天 卧雪圖記 金文精具

學安貧樂道希古人之高節慕先世之流風乃以其意 顯榮威大延于數世天下後 世莫不景仰而企慕之况 其後裔之賢寧不有所感發而興起者乎孟卓讀書勵 夫安以廉潔介特之操受知于令卒家薦辟為漢名 見矣雖然善學人不以其迹以其心則今之圖者乃 著之於圖復求予言以自弱則其志趣之超異操守之 <u>动</u> 嚴潔所以期致於萬遠而不肯以凡近自居者於此 耳若以心而言則雖炎風酷日常若六花之飄積而 可 臣

此以佚 品 孟軻氏有云人惟有不為也而後可以有為觀孟卓之 欽定四庫全書 所志如此則其他日所造詣者又為可量乎詩曰無念 干謁之私未嘗少萌於方寸此其志豈不與安為 阚 之將見徵書賣門蹋青雲而登要津者有日矣姑書 之所樂衆矣都富貴者樂興馬服御之美處閒曠者 祖幸 樂善堂記 修厥德又曰高山仰止景行行止孟卓其尚 金文精集 ब्

鮮 皆常人之同情其所寓雖異為樂一 左右泉石清麗樹林秀密雲嵐蒼翠卷舒朝夕 必從容於禮法周旋乎道義欲以貼 烟霞泉石之秀居實販者樂珍寶奇玩貨財之威是 私而知善之 所樂惟好心志悦耳目欲以取適於一時此之 鄉友蕭子良世居邑之花坑其地坐曠而廻合環 時者每易貽謀於永久者恒難宜子善之樂者 可樂者豈不為君子之所嘉美欺盖 也若夫脫然於物 謀於永久然取 耕

善尤為鄉間所稱道洪武中子良始以材請出仕于時 次已日草全 其職今年夏秋滿上京師屢過予道故舊間復請記其 初授陕之蘭縣大使繼授廣東之象江鎮巡檢所至 田 穢也是以人之常性莫不有善而無惡其情莫不好 惡而已矣善者天命所賦之本然惡者物欲所生之 可以給買親故自其祖父以來恒以農為業而敦實務 可以収稻林種有嘉圃可以取疏茹畜有牛羊雞犬 謂樂善堂者予辭不獲因告之曰天下之道二善與 金文靖集 真 稱

馬勤 之當脩又馬能知善之可好而樂之於乎此子良之志 俯 者有不得而著矣君子知其然必加以克治之功兢 而惡惡但為氣禀所拘 心廣體 仰 可嘉也雖 一動馬日求造夫至善之域而後天理 之間出入起居之際優游暇裕無往而不得此 何 如哉世之人汨沒 胖無毫髮之累表裏澄徹無纖芥之係周 然子良以是名堂將惡夫世之人所樂而 幼匆 於里 欲所蔽而所 污药賤之中既不 謂天命之本然 可復私 知善 欲 其 旋 兢 可

父ロ人

として

P

故異之耶抑將因其名而獲其實耶子良曰予非惡彼 飲定四車全書 乎世人之所樂而異之也予聞君子與人為善子良之 之樂而遠之是有命馬不可倖而致也予之志懼夫 為善最樂故揭之楣間以示規益將徇名以求實非惡 日滋天理日消而所謂善者或幾乎息美且首人有云 用事為之際或一言之戾乎道一事之垂其宜則人欲 意善矣遂書以為記 金川、 八景記 金文靖集 見 E

幼 言以弁首簡 者繪為圖 吾家去金溪僅半舍許溪之上室居鱗次良轉沃壤星 余而 時慕金溪之勝與張君子儀為忘年友子儀齒 優将因得以窮 鄉 基布水光映帶瑩若澄練岡 通抱風景清淑余自 ţ 得典教莆田後復教授成都既而以外 聰明博達抱負奇氣洪武庚午以 士夫皆詠歌之今年服除上吏 觀其二石壁立秀隐雲霄俯瞰 逃閱 勝 乃目其所居為八 明 部因過余徵 景属善畫 艱去官家 經舉進士 ツ長

若華星則三台貫日也長出特立枝幹屈鐵緑陰下覆 蒼王則雙簡朝天也三石連時錯落斷續絕項倚空圓 六月無暑則孤松擊益也修竹猗猗森若王立天風時 陰四布仰不見天則喬木清陰也遠近諸山空翠晦靄 深池景物幽麗則螺峰舊隱也老樹十章凌属霜雪繁 至音響餅然則千篁戛玉也四山透迤澗壑盤舒長林 钦定四車全書 題 旗飛翻萬馬並馳則羣峰衛翠也二水横前勢若王 全文靖集

載之下尚得以見稱於世而為騷人墨客之所取哉然 自若也苟不遇子儀而品題之亦将韜奇秘異於數千 之勝盡之於戲天壤之内山水林壑之美可好者 則金溪亦得所遇而可傳於後美俟子儀他日宦成致 必遭遇其人而後可以傳述無窮不然亦徒為風 曠之鄉而已有若金川八景之勝自有天地以來固 余亦却事南還尚得同将溪上周覽八景之勝與窗 酉日 歎詠以樂夫太平之盛斯時也當與子儀 何 雨 限

飲定四車全書			リの見	が見り		一賦之是為記
金文精集					1	1
百十						
		·				

金文靖集卷八				
				卷八
			,	